

60

55


50

45

校刻  
資治通鑑

九

津田文庫  
文庫 1  
1821  
6



010190612754

1821-9

資治通鑑卷第二十二

翰林學士朝散大夫右諫議大夫知制誥兼侍講同提舉萬壽觀公事兼判集賢院上護軍河內郡開國侯食邑一千三百戶賜紫金魚袋臣司馬光奉勅編集

後學 天台胡三省 音註

漢紀十四

起昭陽協治盡閼逢敦牂凡十二年

世宗孝武皇帝下之下

刀文庫

天漢三年春二月王卿有罪自殺以執金吾杜周爲御史大夫

班表中尉掌徼循京師太初元年更名執金吾應劭曰吾禦也掌執金革以禦非常師古曰金吾鳥名主辟不祥天子出行主先導以備非常故執此鳥之象因以名官初榷酒酤如淳曰榷音較應劭曰縣官自酤榷賣酒小民不得酤也韋昭曰以木渡水曰榷謂禁民酤釀獨官開置如道路設木爲榷獨取利也師古曰榷者步渡橋爾雅謂之石杠今之略行是也禁閉其事總利入官而下無由以得有若渡水之榷因立名焉酤工護翻行音酌三月上行幸泰山脩封祀明堂因受計還祠常山塗玄玉鄧展曰塗埋也爾雅祭地曰塗蘿蘿其物者示歸於地也方士之候祠神人入海求蓬萊者終無有驗而公孫卿猶以大人跡爲解大人跡見二十大元封元年天子益怠厭方士之怪迂語



狐鹿姑單于以左大將爲左賢王。數年病死。其子先賢撣。不得代。更以爲日逐王。師古曰。撣音壓。日逐王居匈奴西邊。以日入於西故以爲名。至宣帝神爵二年。撣來降。單于以其子爲左賢王。

二年春正月。上行幸回中。杜周卒。光祿大夫暴勝之爲御史大夫。秋旱。趙中大夫白公奏。穿渠引涇水。首起谷口。尾入櫟陽。班志。谷口櫟陽二縣屬左馮翊。師古曰。谷口即今雲陽縣。杜佑曰。今雲陽縣治。谷是。又曰。醴泉漢谷口縣地。隋爲醴泉縣。谷口縣故城在縣西北。櫟音藥。注渭中。袤二百里。師古曰。袤音茂長也。溉田四千五百餘頃。因名曰白渠。民得其饒。

三年春正月。上行幸甘泉宮。二月。幸東海。獲赤鴈。幸琅邪。琅邪東海孟康曰。禮日拜日也。如淳曰。拜日於成山。師古曰。成山在東萊不夜縣。斗入海。登之。

二郡皆屬徐州琅琊。唐沂密州也。禮日成山。孟康曰。禮日拜日也。如淳曰。拜日於成山。師古曰。成山在東萊不夜縣。斗入海。登之。

罘。晉灼曰。地理志。東萊縣有罘山。師古曰。罘音浮。浮大海而還。還從宣翻。又如字。是歲。皇子弗陵。

生。弗陵母。曰河間趙婕妤。河間國屬冀州。唐瀛莫州地。帝置婕妤位。視上卿。爵比列侯。師古曰。婕言接幸於上也。妤美貌。

健音接。居鉤弋宮。師古曰。黃圖鉤弋宮在城外。漢武故事。在直門南。任身十四月而生。任讀曰姪。

上曰。聞昔堯十四月而生。今鉤弋亦然。乃命其所生門。曰堯母門。

臣光曰。爲人君者。動靜舉措。不可不慎。發於中。必形於外。天下無不知之。當是時也。皇后太子。皆無恙。恙余亮翻。而命鉤弋之門。曰堯母。非名也。是以姦人逆探上意。知其奇愛少子。欲以

爲嗣。昭翻。少詩。遂有危皇后太子之心。卒成巫蠱之禍。卒子恤翻。悲夫。

趙人江充。爲水衡都尉。趙國屬冀州。唐爲冀州。其地又分入深州德州界。元鼎二年。初置水衡都尉。掌上林苑。應劭曰。古山林之官。曰衡掌諸池苑。故稱水衡。張晏曰。主都水及上林苑。故稱水衡。主諸官。故曰都。有卒徒武事故曰尉。師古曰。衡平也。主平其稅入。位列九卿。秩中二千石。

初。充爲趙敬肅王客。敬肅王名彭祖。諡敬肅。得。見賢。得罪於太子丹。亡逃詣闕。告趙太子陰事。太子坐廢。上召充入見。見賢。遍翻。充容貌魁岸。被服輕靡。

古師曰。魁大也。岸者有稜稜如崖岸之狀。被衣服也。輕輕細也。靡靡麗也。被皮義翻。上奇之。與語政事。大悅。由是有

寵。拜爲直指繡衣使者。使督察貴戚近臣。踰侈者。充舉劾。無所避。劾。戶劫翻。上以爲忠直。所言皆中意。師古曰。中當也。竹仲翻。嘗從上甘泉。上時掌翻。

通鑑卷二十一

逢太子家使。乘車馬行馳道中。充以屬吏應劭曰。馳道天子所行道也。若今之中道也。孔穎達曰。馳道正道御路也。是天子馳走車馬之處。故曰馳道。如淳曰。令乙騎乘車馬行馳道中。已論者沒入車馬被具。師古曰。家使太子遣人之甘泉請問者也。使疏吏翻屬之欲翻。

太子聞之。使人謝充曰。非愛車馬誠不欲令上聞之。以教敕亡

素者師古曰。言素不敷敕。左右古字亡與無通。唯江君寬之。充不聽。遂白奏。上曰。人臣當

如是矣。大見信用。威震京師。

四年春三月。上行幸泰山。壬午。祀高祖于明堂。以配上帝。因受

計。癸未。祀孝景皇帝于明堂。甲申。修封丙戌。禪石闔。夏四月。幸

不其如淳曰。其音基。不其山名。因以爲縣。應劭

東萊縣也。余據班志。不其縣屬琅邪郡。

五月還。幸建章宮。赦天下。

冬十月。甲寅晦。日有食之。

十二月。上行幸雍祠五畤。

於雍

用翻時音止西至安定北地。

二郡屬朔方州。安定唐涇原之

地。北地唐鄆寧環慶鹽宥州地。

征和元年

應劭

曰。言征伐四夷。而天下和平。

彭祖取江都易王所幸淖姬。

彭祖景帝子。前二年封廣川。五年徙趙。淖姬事見十九卷。元符二年。淖奴教翻。

生

男。號淖子。時淖姬兄爲漢宦者。上召問。淖子何如。對曰。爲人多

欲。上曰。多欲不宜君國子民。間武始侯昌。

昌亦彭祖之子。班志。武始縣屬魏郡。

曰。無

咎無譽。

譽音

上曰。如是可矣。遣使者立昌爲趙王。

夏大旱。

上居建章宮。見一男子帶劍。入中龍華門。疑其異人。命收之。

男子捐劍走。逐之弗獲。上怒。斬門候門候掌宮門出入之禁。續漢志。秩六百石。冬十一

月。發三輔騎士。大搜上林。閉長安城門。索

臣瓊曰。搜謂索姦人也。上

林苑周回數百里。恐姦人

藏匿其中。故大

搜索索山客翻

十一日乃解。巫蠱始起。

丞相公孫賀夫人君孺。

衛皇后姊也。賀由是有寵。賀子敬聲。代父爲太僕。驕奢不奉法。

擅用北軍錢千九百萬。發覺。下獄下遐嫁翻下同。是時詔捕陽陵大俠

朱安世。甚急。賀自請逐捕安世。以贖敬聲罪。上許之。後果得安世。安世笑曰。丞相禍及宗矣。遂從獄中上書。告敬聲與陽石公

主私通。

陽石公主帝女也。班志。陽石屬北海郡。上書時掌翻下且上同。

上且上甘泉。使巫當馳道埋

偶人。祝詛上。有惡言。

師古曰。刻木爲人。象人之形。謂之偶人。偶並也。對也。祝職救翻。詛莊助翻。

二年春正月。下賀獄案驗。父子死獄中。家族

族誅也。

以涿郡太

字疑王  
脫子  
之間

已月壬四案左屈月獄申四官漢爲已

無申月目丞鼈丁死賀月表書丞

丁五無錄相爲已五下千云百相

初

守劉屈鼈爲丞相封澎侯

涿郡高帝置屬幽州唐瀛莫幽涿深祁州地屈丘

澎音彭勿翻鼈力之翻晉灼曰澎東海縣今攷班志無之

設折而

閏月諸邑公主陽石公主及皇后弟子長平侯伉皆坐

巫蠱誅

諸琅邪縣以封公主故謂之邑與陽石公主皆衛

靖王勝景帝子夏四月大風發屋折木

上行幸甘泉初

上年二十九乃生戾太子甚愛之及長性仁恕溫謹

兩翻長知上嫌

其材能少不類已而所幸王夫人生子閔李姬生子且胥李夫

人生子驥少詩沼翻皇后太子寵浸衰常有不自安之意上覺

之謂大將軍青曰漢家庶事草創朱熹曰草略

也創造也加四夷侵陵中國

朕不變更制度後世無法不出師征伐天下不安爲此者不得

不勞民爲于僞翻若後世又如朕所爲是襲亡秦之跡也太子

敦重好靜好呼必能安天下不使朕憂欲求守文之主安有賢

於太子者乎聞皇后與太子有不安之意豈有之邪可以意曉

之大將軍頓首謝皇后聞之脫簪請罪脫簪去太子每諫征伐

四夷上笑曰吾當其勞以逸遺汝

遺于季翻

不亦可乎上每行幸常

以後事付太子宮內付皇后有所平決還白其最最大

上亦

無異有時不省也

無所違異也不省

上用法嚴多任深刻吏太子

寬厚多所平反如淳曰反音幡奏使從輕也雖得百姓心而用法大臣皆不悅

皇后恐久獲罪每戒太子宜留取上意

言留其事取上意裁決也

不應擅有

所縱捨上聞之是太子而非皇后羣臣寬厚長者皆附太子而深酷用法者皆毀之邪臣多黨與故太子譽少而毀多

譽音余少詩沼

翻

衛青薨臣下無復外家爲據競欲構太子

言自衛青旣薨之後姦臣以太子無復外家以

構成其罪

爲憑依競欲

構成其罪

上與諸子疏

疏讀曰

皇后希得見

見賢遍翻

太子嘗謁皇

后移日乃出

移日言日

黃門蘇文告上曰

黃門屬少府

人戲上益太子宮人滿二百人太子後知之心銜文文與小黃

門常融王弼等常微伺太子過輒增加白之皇后切齒

切齒者怨

切也使太子白誅文等太子曰第勿爲過何畏文等上聰明

不信邪佞。不足憂也。上嘗小不平小不平者體中微有不適也。使常融召太子。融言太子有喜色。上嘿然。及太子至。上察其貌。有涕泣處。而佯語笑。上怪之。更微問。知其情。乃誅融。皇后亦善自防閑。避嫌疑。雖久無寵。尙被禮遇。被皮義翻是時方士及諸神巫多聚京師。率皆左道惑衆。盧植曰。左道謂邪道也。地道尊右。右爲貴。故漢書云右賢左愚。右貴左賤。故正道爲右。不正道爲左。若巫蠱及俗禁者。變幻無所不爲。女巫盧植曰。左道謂邪道也。地道尊右。右爲貴。故漢書云右賢左愚。右貴左賤。故正道爲右。不正道爲左。若巫蠱及俗禁者。往來宮中。教美人度厄。每屋輒埋木人。祭祀之。因妬忌恚詈。恚於避翻更相告訐。以爲祝詛上無道。更工衡翻。許居謁翻。鄭玄曰。詛謂祝之使。沮敗也。漢法有大逆無道之科。祝職救翻。詛莊助翻。上怒。所殺後宮延及大臣。死者數百人。上心旣以爲疑。嘗晝寢。夢木人數千持杖欲擊上。上驚寤。因是體不平。遂苦忽忽善忘。忘巫放翻。遺忘也。江充自以與太子及衛氏有隙。見上年老。恐晏駕後爲太子所誅。因是爲姦言。上疾。崇在巫蠱。師古曰。崇謂禍咎之徵也。故其字從出從示。言鬼神所以示人者也。音息遂翻。於是上以充爲使者治巫蠱獄。充將胡巫掘地求偶人。捕蠱及夜祠視鬼。染汗令有處。輒收捕驗治。燒鐵鉗灼。強服之。張晏曰。充捕巫蠱及夜祭祀祝詛者。令胡巫視鬼。詐以酒釀地。令有處也。師古曰。捕夜祠及視鬼之人。而充遣之。巫汙染地上爲祠祭之處。以誣其人。又以燒鐵或鉗之或灼之。使之服鉗鑄也。灼炙也。汙鳥故翻。鉗其炎翻。強其兩翻。民轉相誣以巫蠱。吏輒効以爲大逆無道。桀戶切翻。自京師三輔連及郡國。坐而死者。前後數萬人。是時上春秋高。疑左右皆爲蠱祝詛。有與無。莫敢訟其冤者。充旣知上意。因胡巫檀何。言宮中有蠱氣。不除之。上終不差。差愈也。上乃使充入宮。至省中壞御座。掘地求蠱。又使按道侯韓說御史章贛。師古曰。說讀曰悅。贊音貢。姓譜齊人降鄭子孫去邑爲章氏。黃門蘇文等助充。充先治後宮希幸夫人。以次及皇后太子宮。掘地縱橫。縱容太子皇后。無復施牀處。充云。於太子宮得木人尤多。師古曰。三輔舊事云。充使胡巫作桐木人而薙之。又有帛書所言不道。當奏聞。太子懼。問少傅石德。德懼爲師傅并誅。因謂太子曰。前丞相父子。兩公主。及衛氏。皆坐此。今巫與使者掘地得徵驗。不知巫置之邪。將實有也。無以自明。可矯以節。收捕充等繫獄。師古曰。矯託也。託詔命也。窮治其姦詐。且上

疾在甘泉。皇后及家吏請問。皆不報。蘇林曰。家吏、皇后吏也。臣瓊曰。太

既言皇后及家吏此爲皇后吏耳。瓊說是也。

皇三十七年

事見七卷始

太子曰。吾人子。安得擅誅。不如歸

蘇林曰。家吏、皇后吏也。臣瓊曰。太

念秦扶蘇事邪

事見七卷始

太子曰。吾人子。安得擅誅。不如歸

蘇林曰。家吏、皇后吏也。臣瓊曰。太

謝。幸得無罪。太子將往之甘泉。而江充持太子甚急。太子計不

知所出。遂從石德計。秋七月壬午。太子使客詐爲使者。收捕充

等。按道侯說。疑使者有詐。不肯受詔。客格殺說。格古陌翻擊也

太子自

臨斬充。罵曰。趙虜。前亂乃國王父子不足邪。江充趙人。故罵爲趙虜。乃汝也。謂充前告趙太子見廢也。

乃復亂吾父子也。

復扶

又炙胡巫上林中。太子使

舍人無且。師古曰。且音子閨翻

持節夜入未央宮殿長秋門。因長御倚華

具白皇后。

鄭氏曰。長者之長。如淳曰。漢儀注女長御比侍中、皇后見經娥以下。長御稱謝、倚華字也。師古曰。倚音於綺翻。

發中廄

車載射士。

師古曰。中廄皇后車馬所在也。余謂中廄者。天子之內廄也。秦二世時。公子高曰。中廄之寶馬。臣得賜之。非專主皇后車馬也。

出武

庫兵。發長樂宮衛卒。長安擾亂。

言太子反。蘇文進走。得亡歸甘

泉。說太子無狀。

孟北翻

上曰。太子必懼。又忿充等。故有此變。乃

使使召太子。使者不敢進。歸報云。太子反已成。欲斬臣。臣逃歸

上大怒。丞相屈釐聞變。挺身逃。

師古曰。挺引也。獨引身而逃也。余謂挺拔也。拔身而逃也。

亡其印

綬。使長史乘疾置以聞。

師古曰。置謂所置驛也。疾置急傳也。

上問。丞相何爲。對曰。丞

相祕之。未敢發兵。上怒曰。事籍籍如此。

師古曰。籍籍猶紛紛也。故以周公之事責之。

何謂祕也。丞

相璽書曰。捕斬反者。自有賞罰。以牛車爲櫓。

師古曰。櫓盾也。遠與敵戰。故以車爲櫓。用自蔽也。

乃賜丞

也。一說櫓望敵之樓。

母接短兵。多殺傷士衆。堅閉城門。母令反者得出。太

子宣言。告令百官云。帝在甘泉。病困。疑有變。姦臣欲作亂。上於

是從甘泉來。幸城西建章宮。詔發三輔近縣兵。部中二千石以

下。丞相兼將之。太子亦遣使者矯制。赦長安中都官囚徒。命少

府石德。及賓客張光等。分將使長安囚如疾持節。發長水及宣

曲胡騎。皆以裝會。

鄂縣東長水鄉即舊營校之地。

侍郎馬通。使長安

馬通。漢書作莽。通及弟何羅以反誅。明德馬皇后惡其先有反者。故易其姓爲莽。姓譜馬本自伯益之裔。趙奢封馬服君。後因氏焉。

因追捕如

通鑑卷二十一

通鑑卷二十四

集記十四

侯告胡人曰。節有詐。勿聽也。遂斬如侯。引騎入長安。又發楫棹士。以予大鴻臚。商丘成。師古曰。楫棹士。主用楫及棹。行船者也。短曰楫。長曰棹。余據班表。水衡都尉。有楫棹令丞。蓋掌楫棹士之官也。太初元年改典客爲大鴻臚。鴻臚者。凡朝會使之鴻聲。臚傳。以贊導九賓。予讀曰與。臚音闇。初漢節純赤。以太子持赤節。故更爲黃旄。加上以相別。更工衡翻。太子立車北軍南門外。召護北軍使者任安。與節令發兵。安拜受節。入閉門不出。任音壬太子引兵去。歐四市人。二都及二京賦。皆謂長安城中。有九市。廟記曰。長安市有九。各方二百六十五步。六市在道西。三市在道東。凡四里爲一市。此言四市。蓋以東西南北分爲市也。一說四市者。東市西市直市柳市。師古曰。歐與驅同。凡數萬衆。至長樂西闕下。逢丞相軍。合戰五日。死者數萬人。血流入溝中。街衢之側。有溝以通水。

民間皆云。太子反。以故衆不附太子。丞相附兵寢多。庚寅。太子兵敗。南犇覆盜城門。師古曰。長安城南出東頭第一門。曰覆盜城門。一曰杜門。三輔黃圖曰。長樂宮在東直杜門。故戾太子戰敗於長樂闕下。南犇覆盜城門而出亡也。司直田仁。部閉城門。班表。元狩五年。初置司直掌以佐丞相舉不法秩比二千石。以爲太子父子之親。不欲急之。太子由是得出亡。丞相欲斬仁。御史大夫暴勝之。謂丞相曰。司直吏二千石。當先請。奈何擅斬之。

丞相釋仁。上聞而大怒。下吏責問御史大夫曰。下選嫁翻司直縱反者。丞相斬之。法也。大夫何以擅止之。勝之惶恐自殺。詔遣宗正劉長執金吾劉敢。奉策收皇后璽綬。后自殺。璽斯氏翻上以爲任安老吏。見兵事起。欲坐觀成敗。見勝者合從之上。而從之也。有兩心。與田仁皆要斬。要與腰同上以馬通獲。張光姓譜。商丘衛大夫。以邑爲氏。封通爲重合侯。班志。侯食邑于濟南界。諸太子賓客。嘗出入宮門。皆坐誅。其隨太子發兵。以反法族。吏士劫略者。皆徙燉煌郡。燉煌。侯國屬濟陰郡。孟康曰。今濟陰成武有子切略。故徙之也。燉音屯。以太子在外。始置屯兵。長安諸城門。上怒甚。羣下憂懼。不知所出。壺關三老茂。上書曰。班志壺關縣屬上黨郡。荀悅漢紀。茂姓令狐。臣聞父者猶天。母者猶地。子猶萬物也。故天平地。安物乃茂成。父慈母愛。子乃孝順。今皇太子爲漢適嗣。承萬世之業。體祖宗之重親。則皇帝之宗子也。適子承太子

宗故謂之宗。子適讀曰嫡。江充布衣之人。閭閻之隸臣耳。也。陛下顯而用之。

銜至尊之命。以迫蹕皇太子。

蹕千六翻

造節姦詐。羣邪錯繆。是以親

戚之路。隔塞而不通。

隔與隔同  
塞悉則翻

太子進則不得見上。退則困於

亂臣。獨冤結而無告。不忍忿忿之心。起而殺充。恐懼遇逃。子盜

父兵。以救難自免耳。

難乃旦翻

臣竊以爲無邪心。詩曰。營營青蠅。

止于藩。愷悌君子。無信讒言。讒言罔極。交亂四國。

師古曰。小雅青

蠅之詩也。營營

往來之貌也。藩籬也。愷樂易也。言青蠅往來。止於藩籬。變白作黑。讒人構毀

往者

間親。令疏樂易之君子。不當信用。若讒言無極。則四國亦以交亂。宜深察也。

江充讒殺趙太子。天下莫不聞。陛下不省察。深過太子。

太子古曰。以

過而深責之。發盛怒。舉大兵。而求之。三公自將。

漢丞相位三  
公將即亮翻

智者

不敢言。辯士不敢說。

說式芮翻

臣竊痛之。唯陛下寬心慰意。少察

所親。少詩。母患太子之非。亟罷甲兵。無令太子久亡。臣不勝惄

惄勝音升師古曰。惄惄

忠切之意。倦讀曰拳。出一旦之命。待罪建章宮下。書奏天子。感

寤。然尙未敢顯言赦之也。

以文理觀之太子亡。東至湖。

湖縣屬京兆

師古曰。今號不必有故字。

賣履以給太子。太子有故人在湖。聞其富贍。使人呼之。而發覺。

八月辛亥。吏圍捕太子。太子自度不得脫。

度徒洛翻

即入室距戶

自經。

孫愐曰。頸在前項。在後故引繩經其

頸謂之自經。以刀割其頸。謂之自剗。

山陽

山陽男子張富昌爲卒。時爲

昌邑足踢開戶。新安令史李壽。趨抱解太子。

續漢志新安縣屬弘農郡

縣有斗食令史

主人公遂。格鬪死。皇孫二人。并皆遇害。

子反者外連郡國數十萬人。盡

考異曰漢武故事云。治隨太

闢三老鄭茂。上書。上感寤。赦反者。拜鄭茂爲宣慈校尉。持節徇三輔。赦太子、太上

欲出。疑弗實。吏捕太子急。太子自殺。按上若赦太子。當詔吏弗捕。此說恐妄也。

上

既傷太子。乃封李壽爲鄧侯。

班志河內野王縣

有鄧亭。邢音于

張富昌爲題侯

表

題侯食邑。

班書上感寤。赦反者。拜鄭茂爲宣慈校尉。持節徇三輔。赦太子、太上

於鉅鹿。初上爲太子。立博望苑。

三輔黃圖曰。博望苑在長安杜門外五

里。斷古曰。取其廣博觀望也。爲于篤翻

下使通賓客。從其所好。

好呼到翻

故賓客多以異端進者。

臣光曰。古之明王。教養太子。爲之擇方正敦良之士。爲于以

爲保傅師友。使朝夕與之游處。

處昌呂翻

左右前後。無非正人。

出入起居。無非正道。然猶有淫放邪僻而陷於禍敗者焉。今

乃使<sub>下</sub>太子自通賓客。從<sub>中</sub>其所好。夫正直難親。諂諛易合。此固中人之常情。宜太子之不終也。

易以  
跋

癸亥。地震。九月。商丘成爲御史大夫。立趙敬肅王小子偃爲平子王。平于國屬冀州本廣平也宣帝五鳳二年復舊名匈奴入上谷五原殺掠吏民上谷

爲州地也

三年春正

雍於匈奴入五原酒泉

卷之三

THE HISTORY OF THE CHURCH OF ENGLAND

使大將偃渠。將二萬餘騎。要漢兵。要一遙見漢兵彊。引去。通無翻下同。

所得失。是時漢恐車師遮馬通軍。遣開陵侯成婉將樓蘭尉犁危領國台危領威、去長安之三月九

分得國、江危、須、坂去長安一千二百九  
十里、西至焉耆百里、婉音晚又音免

而還責帥將軍曰塞匈奴使右大都尉與律將五

師古曰句山西山也句音鉤

匈奴奔走。莫敢距敵。初貳師之出也。丞相劉屈轂爲祖道。祭也。祖輶。

崔氏云宮內之軾祭古之行神城外之軾祭山川與道路之神記曾子問諸侯適天子道而出注云祖道也聘禮曰出祖釋軾祭酒脯也注云祖始也行出國門止陳車騎釋酉脯之奠爲行治也而古曰祖者送行之祭尚有其說

帝之子、累祖、好遠遊、而死於道、故祀以爲行神、爲于僞翻。送至渭橋。廣利曰。

原君房。早讀昌邑王爲太子。如立爲帝。君侯長何憂乎。當時及侯嘗呼爲君

昌邑王者貢節將軍女東李夫子也貢節

據昭紀內謁者令郭總

卷之十四

一四 淚絲

涅絲一冊

百官表  
壬寅六月  
下獄

令昌邑王爲

按驗。罪至

逆不道。六月。詔載屈轡。要與。每予纍首華陽街。

**駕車以徇**

令昌邑王爲帝。按驗罪至大逆不道。六月詔載屈轡厨車以徇。  
師古曰：厨車載食之車，猶行示也。要斬東市。要與同。妻子梟首華陽街。梟堅堯翻長安城中八街。  
華陽其一也。貳師妻子亦收。貳師聞之憂懼。其掾胡亞夫亦避罪。  
華戶化翻。貳師妻子亦收。貳師聞之憂懼。其掾胡亞夫亦避罪。

從軍。說貳師曰。夫人室家皆在吏。若還不稱意。適與獄會。絹翻

稱尺證翻。到是此行。以降匈奴不可得復撫灭翻。  
狐疑深。入要功。要一遂。北至郅。居水上。虜已去。貳師遣護軍將。

二萬騎度鄧居之水。逢左賢王。左大將。將二萬騎與漢兵合戰。一  
日。莫軍殺左大將。虜死傷甚衆。軍長史與決眭都尉。煇渠侯。

**謀曰** 晉灼曰、決眭都尉、本匈奴官也、功臣表、歸義侯、僕朋子、雷電以擊匈奴功、封輝渠侯、輝渠魯陽縣也、余據班表、僕朋侯、輝渠、食邑於魯陽、雷電嗣爵、雷電不自

匈奴來降則漢賊者是北匈奴  
官也師古曰賊息隨翻輝音輝將軍懷異心欲危衆求功恐必敗謀共執貳師貳師聞之斬長史引兵還至燕然山據匈奴傳燕然山在匈奴中速邪烏地師古曰

燕一。單于知漢軍勞倦。自將五萬騎。遮擊貳師。相殺傷甚衆。夜

輒漢軍前深數尺禁翻度深日從後急擊之軍大震竄遂降

單于素知其漢大將以女妻之。妻七細翻。尊寵在衛律上。宗族

等謀反。師古曰：「倩，音千見翻。」倩詐稱光祿大夫，言使督盜賊淮陽太守田

兗州唐陳州地。賢曰：淮陽故城，在今陳州宛丘縣東南。發兵掠車。  
焉。公孫勇衣繡衣乘駒馬車至圉。師古曰：陳留圉縣，余據班志。圉縣屬淮陽。勇衣于既翻。圉守

尉魏不害等。誅之。封不害等四人。爲侯。不害當塗侯、江德、驃陽侯、蘇昌蒲侯、圉縣小史關內侯、食邑圉

言爲江充所迫、惶恐無以自明。

急變上時掌翻子冤能古曰高廟徧寢之郎所告曰子弄父兵罪當笞天子之子過

千秋謂曰父子之間人所難言也公獨明其不然此高廟神靈

使公教我公當遂爲吾輔佐立拜千秋爲大鴻臚卽古由當其見而即拜之言

卷之四

鳩里加兵刃於太子者。初爲北地太守。後族上憐太子無辜。乃作思子宮。爲歸來望思之臺於湖。師古曰。言已望而思之。庶太子之魂

歸來也。其臺在今湖城縣之西。閬鄉

縣之東。墓

天下聞而悲之。

址猶存

四年春正月。上行幸東萊。臨大海。欲浮海求神山。羣臣諫。上弗聽。而大風晦冥。海水沸湧。上留十餘日。不得御樓船。乃還。二月丁酉。雍縣無雲如靄者三。雍于用翻經典。如而字通 隕石二。黑如鱉。師古曰。鱉有巨濶湖蓋以水受名也。 還。幸泰山脩封。庚寅祀于明堂。癸巳禪石闔。見羣臣。上乃言曰。朕即位以來。所爲狂悖。悖蒲妹翻 使天下愁苦。不可追悔。自今事有傷害百姓。糜費天下者。悉罷之。田千秋曰。方士言神僊者甚衆。而無顯功。臣請皆罷斥遣之。上曰。大鴻臚言是也。於是悉罷諸方士。候神人者。是後。上每對群臣。自歎曩時愚惑。爲方士所欺。天下豈有僊人。盡妖妄耳。妖於遙翻 節食服藥。差

可少病而已。

少詩沼翻

夏六月還。幸甘泉。丁巳。以大鴻臚田千

秋爲丞相。封富民侯。

恩澤侯表富民侯食邑於沛郡。縣。古曰。欲百姓之殷實。故取其嘉名也。

千秋無它

材能。又無伐閱功勞。

勸以言曰。勞角力曰功。明其等曰伐積。日曰閱。師古曰。太史公曰。古者人臣功有五品。以德立宗廟定社稷曰

伐積功也。

閱經歷也。

特以一言寤意。數月取宰相封侯。世未嘗有也。然爲

人敦厚有智。居位自稱。

師古曰。言稱其職也。稱尺證翻

踰於前後數公。先是。搜粟

都尉桑弘羊。與丞相御史奏。

先悉薦翻

言輪臺東。有溉田五千頃

以上。杜佑曰。輪臺渠犁地。今在交河北庭界中。其地相連。

可遣屯田卒置校尉三人分護。益種

五穀。張掖酒泉。遣騎假司馬爲斥候。

斥拓也。候望也。言開拓道路。候望也。

募民壯健

敢徙者。詣田所。益墾溉田。稍築列亭連城而西。以威西國。

輔烏孫。時烏孫王尙公主。故欲屯田列亭連城。以輔之。

上乃下詔。深陳旣往之悔。曰。前有司奏。

欲益民賦三十。助邊用。

師古曰。三十者。每口轉增三十錢也。

是重困老弱孤獨也。

重用而今又請下遣卒。田輪臺。輪臺西於車師。千餘里。前開陵矣。擊

車師時。雖勝降其王。

降戶江翻

以遠遠乏食。道死者。尚數千人。况

通鑑卷二十一

漢紀十四

十一



然不耐饑渴。失一狼。走千羊。乃者貳師敗。軍士死略離散。師古曰言及死及殺虜略併自離散也。悲痛常在朕心。今又請遠田輪臺。欲起亭隧。師古曰隧者通行道也。是擾勞天下。非所以優民也。朕不忍聞。大鴻臚等。又議欲募囚徒送匈奴使者。明封侯之賞。以報忿。此五伯所弗爲也。蓋欲使刺單于以報忿也。師古曰言五伯尚耻不爲。況今大漢也。伯讀曰霸。且匈奴得漢降者。常提拔搜

索。降戶江翻。索山客翻。提謂提挈之也。按謂兩人夾持其兩掖。掖間以所聞。豈羊益翻。師古曰搜索者恐其或私齎文書也。余謂恐其挾兵刃。聞以所聞。豈

得行其計乎。當今務在禁苛暴。止擅賦。力本農。脩馬復令。漢有法。今止不行。孟康曰。先是令長更各以秩養馬。亭有牝馬。民養馬者皆復不事後馬。以多絕乏。至此復修之也。師古曰此說非也。馬復因養馬以免徭賦也。復方目翻。以

補缺。毋乏武備而已。郡國二千石各上進畜馬方略。補邊狀。與

計對。

師古曰與上計者同來赴對也。上時掌翻。畜許六翻。

由是不復出軍。

復扶又翻

而封田千秋。

爲富民侯。以明休息。思富養民也。又以趙過爲搜粟都尉。過能爲代田。班志。一畝三壠歲代處。故曰代田古法也。后稷始畎田。以二耜爲耦。廣尺深尺曰畎。長終畝。一畝三壠。一夫三百畎而播種於三壠中。師古曰代易也。余謂此即周禮一易再易之田之類。其耕耘田器。皆有便巧。以教民用力少而得穀。

多民皆便之。

臣光曰。天下信未嘗無士也。武帝好四夷之功。而勇銳輕死之士。充滿朝廷。闢土廣地。無不如意。及後息民重農。而趙過之儔。教民耕耘。民亦被其利。好呼到翻此一君之身。趣好殊別。而士輒應之。誠使武帝兼三王之量。以興商周之治。治直吏翻其無三代之臣乎。

秋八月。辛酉晦。日有食之。考異曰。荀紀作七月。漢書作八月。按長曆。是年九月壬戌朔。言八月是也。衛律

害貳師之寵。會匈奴單于母閼氏病。閼氏音煙支律飭胡巫言。先單

于怒曰。胡故時祠兵。常言得貳師以社。師古曰飭與敕同。社祠社也。何故不用。

於是收貳師。貳師罵曰。我死必滅匈奴。遂屠貳師以祠。

後元元年春正月。上行幸甘泉。郊泰畤。遂幸安定。昌邑哀王

鬪薨。博音

二月。赦天下。夏六月。商丘成坐祝詛自殺。考異曰。功臣表云。商丘成不爲詹事。功臣表誤也。

初侍中僕射馬何羅。

坐爲詹事祠孝文廟醉歌堂下。曰出居安能鬱鬱大不敬。自殺。公卿表云。坐祝詛按成不爲詹事。功臣表誤也。

通鑑卷之二十一

漢紀十四

一

與江充相善

班表僕射秦官自侍中尚書博士郎皆有古者重武官有主射以督課之軍屯吏駟宰永巷宮人皆有取其領事之號沈約曰侍中本秦

丞相史也使五人往來殿內東廂奏事故謂之侍中漢西京無員多至數十人入侍禁

中分掌乘輿御物下至夔器虎子之屬武帝世孔安國爲侍中以其儒者特聽掌御睡

壺朝廷榮之久次者爲僕射東京又屬少府猶無員掌侍左右贊導衆事顧問應答法

駕出則多識者一人負傳國璽操斬白蛇劔參乘餘皆騎在乘輿車後光武改僕射爲

祭酒漢世與中官俱止禁中武帝時侍中馬何羅爲逆山是侍中出禁外有事乃得入

事畢即出王莽秉政侍中復入與中宮供止章帝元和中侍中郭舉與後宮通拔佩刀

驚御舉伏誅侍

中由是復出外

及衛太子起兵何羅弟通以力戰封重合侯後上

夷滅充宗族黨與何羅兄弟懼及

及謂及於禍也

遂謀爲逆侍中駙馬

都尉金日磾視其志意有非常心疑之陰獨察其動靜與俱上

下

師古曰上下於殿也磾丁奚翻上時掌翻下廡上同

何羅亦覺日磾意以故久不得發是時

上行幸林光宮

服虔曰甘泉一名林光師古曰秦之林光宮胡亥所造漢又於其旁起甘泉宮

日磾小疾臥廬

所止曰廬

何羅與通及小弟安成矯制夜出共殺使者發兵明

旦上未起

何羅無何從外入無何猶言

日磾奏廁心動

師古曰奏無幾時也

日磾向也日磾

而心動立入坐內戶下須臾何羅袖白刃從東廂上見日磾色

變走趨臥內欲入

師古曰趨讀曰趣向也臥內天子臥處

行觸寶瑟僵日磾得抱何

羅因傳曰馬何羅反

傳謂傳聲而唱之聲

上驚起左右拔刃欲格之上恐

并中日磾

仲竹止勿格日磾投何羅殿下得禽縛之窮治皆伏

辜

立入坐內戶下須臾何羅袖白刃從東廂上見日磾色

變走趨臥內欲入

師古曰趨讀曰趣向也臥內天子臥處

行觸寶瑟僵日磾得抱何

上書求入宿衛上怒斬其使於北闕又坐藏匿亡命削良鄉安

次文安三縣

班志良鄉縣屬涿郡安次文安屬勃海郡良鄉安次二縣唐皆屬幽州文安縣唐爲冀州

上由是惡旦

烏

路旦辯慧博學其弟廣陵王胥有勇力

胥亦以元狩六年受封

而皆動作

無法度多過失故上皆不立時鈞弋夫人之子弗陵年數歲形

體壯大多知

師古曰壯大者言其形體偉大

上奇愛之心欲立焉以其年稚母少

少詩昭猶與久之

與豫

欲以大臣輔之察群臣唯奉車都尉光

祿大夫霍光忠厚可任大事上乃使黃門畫周公負成王朝諸

侯以賜光

師古曰黃門之署職任親近以供天子百物在焉故亦有畫工畫讀曰畫

後數日帝譴責鈞弋夫

人夫人脫簪珥耳飾也

仍更翻叩頭

句斷帝曰引持去送掖庭獄

府有秘獄凡宮

人有罪者下之夫人還顧帝曰趣行

趣讀曰促汝不得活卒賜死

卒子恤翻

作史記部詞引皇

通鑑卷二十二

通鑑卷二十二

十五

通鑑卷二十二

漢紀十四

頃之。帝間居。問左右曰。外人言云何。左右對曰。人言且立其子。何去其母乎。去羌呂翻下同帝曰。然。是非兒曹愚人之所知也。往古國家所以亂。由主少母壯也。女主獨居驕蹇。淫亂自恣。莫能禁也。汝不聞呂后邪。故不得不先去之也。

二年春正月。上朝諸侯王于甘泉宮。二月。行幸鼈屋五柞宮。班志。班整厓縣屬扶風山曲曰鼈水曲曰厓。師古曰。鼈張流翻。厓竹乙翻。張晏曰。上病篤。五柞宮有五柞樹。因名。水經注。五柞宮在長楊宮東北八里。柞即各翻。霍光涕泣問曰。如有不諱。賢曰。不諱謂死也。死者人之常。故言不可諱也。誰當嗣者。上曰。君未諭前畫意邪。立少子。君行周公之事。光頓首讓曰。臣不如金日磾。日磾亦曰。臣外國人。日磾休屠王子故云然。不如光。且使匈奴輕漢矣。乙丑。詔立弗陵爲皇太子。時年八歲。丙寅。以光爲大司馬大將軍。日磾爲車騎將軍。太僕。上官桀爲左將軍。受遺詔。輔少主。又以搜粟都尉桑弘羊爲御史大夫。皆拜臥內牀下。光出入禁闈二十餘年。出則奉車。入侍左右。小心謹慎。未嘗有過。爲

人沈靜詳審。

沈持林翻

每出入下殿門。止進有常處。郎僕射竊識

視之。師古曰。譖記也。音式志翻。又職吏翻。

不失尺寸。日磾在上左右。目不忤視者。數

十年。忤逆也。五故翻。

賜出宮女。不敢近。上欲內其女後宮。

內譖曰納。不肯。其

篤慎如此。上尤奇異之。日磾長子爲帝弄兒。

帝甚愛之。其後弄兒壯大不謹。自殿下與宮人戲。日磾適見之。惡其淫亂。

惡烏路翻。

遂殺弄兒。上聞之大怒。日磾頓首謝。具言所以殺弄兒狀。上甚

哀。爲之泣。爲子偽翻。

已而心敬日磾。上官桀始以材力得幸。

桀少時爲羽林期門

郎從帝上甘泉天大風車不得行解蓋授桀桀奉蓋雖風常屬車雨下蓋輒御上奇其材力。

爲未央廄令。

未央廄令屬太僕。上

嘗體不安。及愈見馬。

師古曰。見謂呈見之音胡電翻。

馬多瘦。上大怒曰。令以我

不復見馬邪。欲下吏。

復扶又翻下選嫁翻。

桀頓首曰。臣聞聖體不安。日夜憂懼。意誠不在馬。

誠實也。

言未卒。泣數行下。

卒子恤翻行戶刪翻。

上以爲

愛已。由是親近。

近其新翻。

爲侍中。稍遷至太僕。三人皆上素所愛

信者。故特舉之。授以後事。

丁卯。帝崩于五柞宮。

臣瓊曰壽入

殯未央宮前殿。帝聰明能斷。亂翻 斷丁善用人行法。無所假貸。隆

慮公主子昭平君。

隆慮公主景帝女、班志、隆慮縣屬河內郡、慮音閭

尚帝女夷安公主。

班志、夷安

縣屬膠西國。

隆慮主病困。以金千斤。錢千萬。爲昭平君豫贖死罪。上

許之

爲子僞翻下同

隆慮主卒。昭平君日驕。醉殺主傅。服虔曰、主傅主之官也、如淳曰、禮有傅姆

說者又曰、傅老大夫也、漢使中行說傅翁主是也、師古曰、傅姆是

繫獄。廷尉以公主子上請。

上時掌翻左右

人人爲言。前又入贖。陛下許之。上曰。吾弟老。有一子。死以屬我。

弟謂女弟。師古曰。老乃有子言其晚孕育也。屬音之欲翻

於是爲之垂涕歎息良久。曰。法令者。

先帝所造也。用弟故而誣先帝之法。吾何面目入高廟乎。又下

負萬民。乃可其奏。哀不能自止。左右盡悲。待詔東方朔。前上壽

時有待詔公車者、有待詔金馬門者、朔時待詔宦者署

曰。臣聞聖王爲政。賞不避仇讐。誅不擇

骨肉。書曰。不偏不黨。王道蕩蕩。

師古曰、周書洪範之辭、蕩蕩平坦貌

此二者。五帝所

重。三王所難也。陛下行之。天下幸甚。臣朔奉觴。昧死再拜。上萬

壽。上初怒朔。旣而善之。以朔爲中郎。

班固贊曰。漢承百王之弊。高祖撥亂反正。文景務在養民。至

子稽古禮文之事。猶多闕焉。孝武初立。卓然罷黜百家。表章

六經。

師古曰、百家謂諸子雜說、違背六經、六經謂易詩書春秋禮樂也

遂疇咨海內。舉其俊茂。

師古曰疇

定歷數。協音律。作詩樂。建封禪。禮百神。紹周後。號令文章。煥

然可述。後嗣得遵洪業。而有三代之風。如武帝之雄材大略。

不改文景之恭儉。以濟斯民。雖詩書所稱。何有加焉。

師古曰、美其雄才大略而非其不恭儉也

臣光曰。孝武窮奢極欲。繁刑重斂。

斂翻內侈宮室。

外事四夷。信惑神怪。巡遊無度。使百姓疲敝。起爲盜賊。其所

以異於秦始皇者。無幾矣。

豈翻

然秦以之亡。漢以之興者。孝

武能尊先王之道。知所統守。受忠直之言。惡人欺蔽。好賢不

倦翻

好呼到翻。誅賞嚴明。晚而改過。顧託得人。此其所以有亡

秦之失。而免亡秦之禍乎。

戊辰。太子即皇帝位。帝姊鄂邑公主。共養省中。班志鄂縣屬江夏郡。公主所食之邑。伏嚴曰。蔡邕云。本爲禁中門閭有禁。非侍御之臣不得妄入。行道豹尾中。亦爲禁中。孝元皇后父名禁避之。故曰省中。師古曰。省察也。言入此中者皆當察視。不可妄也。余據鄂邑公主即蓋長公主。鄂五各。翻共居用翻。養弋亮翻。

霍光。金日磾。上官桀。共領尚書事。光輔幼主。政自己出。天下想聞其風采。殿中嘗有怪。一夜羣臣相驚。光

召尚符璽郎。

續漢志本注。符璽郎中二人在中主。璽及虎符竹符之半者。璽斯氏翻。

欲收取璽。

師古曰。恐

收取郎不肯授。光欲奪之。郎按劍曰。臣頭可得。璽不可得也。光甚誼之。明日詔增此郎秩二等。衆庶莫不多光。

多增重也。以此事爲多足重也。

三

月甲辰。葬孝武皇帝于茂陵。夏六月。赦天下。秋七月。有星孛于東方。字蒲。內翻。濟北王寬。坐禽獸行。自殺。

淮南厲王子勃。徙封濟北王寬其孫也。漢法內亂者

爲禽獸行。濟子禮翻。冬。匈奴入朔方。殺略吏民。發軍屯西河。左將軍桀行北邊。

行下孟翻。

資治通鑑卷第二十二

資治通鑑卷第二十三

翰林學士朝散大夫右諫議大夫知制誥兼侍講同提舉萬壽觀公事兼判集賢院上護軍河內郡開國侯食邑一千三百戶。賜紫金魚袋。臣司馬光奉勅編集

後學天台胡三省音註

漢紀十五

起旃蒙協洽盡柔兆敦牂凡十二年

孝昭皇帝上。諱弗陵。武帝少子也。張晏曰。後以二名難諱。但名弗。荀悅曰。諱弗之字曰不。應劭曰。禮謚法。聖聞周達曰昭。

始元元年夏。益州夷二十四邑三萬餘人皆反。遣水衡都尉呂

破胡募吏民。及發犍爲蜀郡犇命往擊。大破之。犍爲蜀郡皆屬益州。榮資簡州地。蜀郡唐成都府彭蜀邛雅翼茂州之地。應劭曰。舊時郡國皆有材官騎士。以赴急難。今夷反常兵不足以討之。故權發精勇。聞命奔走。故謂之犇命。李奇曰。平居發二十以上至五十爲甲卒。今者五十以上六十以下爲犇命。犇命言急也。師古曰。應說是。余據左傳。子重子反一歲七奔命。奔命者救急之師。固不拘五十以上六十以下言翻。也犍居

秋七月。赦天下。大雨。至于十月。渭橋絕。武帝初崩。賜諸侯

王璽書。左傳襄公在楚季武子使公治問璽書。追而與之。蓋君臣通用也。秦漢以來。惟至尊以爲信。燕王旦得書。不肯

哭曰。靈書封小

張晏曰。文  
少則封小

京師疑有變。遣幸臣壽西長。孫縱之。

王孺等之長安

蘇林曰。壽西姓長。  
名師古曰。之往也。

以問禮儀爲名。陰刺候朝廷事。

刺史亦

翻深也。

及有詔褒賜旦錢三十萬益封萬三千戶。旦怒曰。我當

爲帝。何賜也。遂與宗室中山哀王子長齊孝王孫澤等結謀

山

哀王昌。靖王勝子齊孝王肥子

詐言以武帝時受詔得職吏事修武備備非

常詐言受詔得知職事發兵爲備也

郎中成軫謂旦曰。大王失職獨

可起而索姓譜成姓本自周文王成角之後周有成肅公又楚有令尹成

不可得臣師古曰失職謂當爲漢嗣而不被用也。索求也。音山客翻

不可

坐而得也。大王壹起國中雖女子皆奮臂隨大王。旦卽與澤謀

爲姦書言少帝非武帝子大臣所共立天下宜共伐之使人傳

行郡國以搖動百姓澤謀歸發兵臨菑

臨菑齊郡太守殺青州刺

史雋不疑

雋辭

旦招來郡國姦人賦斂銅鐵作甲兵數閱其車

騎材官卒發民大獵以講士馬須期日

師古曰。講習也。須待也。余謂澤歸臨菑謀舉兵故旦閱兵以待

期數所角

郎中韓義等數諫旦

旦殺義等凡十五人會辟侯成

知澤等謀

成菑靖王之子班志疏

以告雋不疑八月不疑收捕澤

等以聞天子遣大鴻臚丞治

續漢志大鴻臚丞步丁翻

以告雋不疑八月不疑收捕澤

燕王至親勿治而澤等皆伏誅遷雋不疑爲京兆尹

百官表武帝太初元年改

右內史爲京兆尹張晏

地絕高曰京左傳曰莫之與京十億曰兆尹正也師古曰京

大也兆者衆數言大衆所在故云京兆也

孔穎達曰釋詁文曰萬億曰兆依如算法億之數有大小二法其小數以十爲等十

萬爲億十億爲兆也其大數以萬億爲等萬至萬是萬之爲億又從億而數至萬億曰

兆億億曰兆

在億祿之間

不疑爲京兆尹吏民敬其威信每行縣錄囚徒還

師古曰省錄之知其情狀有寃滯與否也今云慮因本錄聲之去者耳音力

具翻而近俗不曉其意訛其文遂爲思慮之慮失其源也甚矣行下孟翻

其母輒

間不疑有所平反活幾何人卽不疑多有所平反

王晃曰平反迎正幽枉也反音

幡母喜笑異於他時或無所出母怒爲不食

爲于僞翻故不疑爲吏

嚴而不殘九月丙子霍光爲博陸侯上官桀爲安陽侯

恩澤侯表安陽侯食邑於

遣詔封金日磾爲氈侯上官桀爲安陽侯

河內之蕩陰水經註陝縣

有安陽城武帝封

上官桀爲侯國邑於北海河間東郡師古曰蓋亦取鄉聚

之名以爲國號非必縣也博陸初

封食北海河間後益封食東郡皆以前捕反者馬何羅等功封

捕馬何羅

通鑑卷二十三

通鑑卷二十三

通鑑卷二十三

事見上卷武帝後元元年。日磾以帝少不受封。昭翻少詩。光等亦不敢受。及日磾病。略同年共臥起。賞爲奉車。建駙馬都尉。及賞嗣侯。佩兩綬。上謂霍將軍曰。金氏兄弟兩人不可使俱兩綬邪。對曰。賞自嗣父爲侯耳。上笑曰。侯不在。我與將軍乎。對曰。先帝之約。有功乃得封侯。遂止。

閏月遣故廷尉王平等五人持節行郡國舉賢良問民疾苦寃失職者行下孟翻冬無冰

二年春正月。封大將軍光爲博陸侯。按師古注。光初封食邑、北海河間。左將軍桀

湯陰周公之位說式芮翻處昌呂翻攝政擅權而背宗室不與共職是以天下

不<sub>レ</sub>信<sub>レ</sub>卒<sub>ニ</sub>至<sub>ニ</sub>於滅亡<sub>一</sub>。卒子恤翻<sub>レ</sub>。今將軍當<sub>ニ</sub>盛位<sub>一</sub>。帝春秋富<sub>レ</sub>宜下納宗室<sub>ニ</sub>。又多與大臣共事<sub>ニ</sub>。服虔曰<sub>レ</sub>、共議事也<sub>ニ</sub>。師古曰<sub>レ</sub>、每事皆與參同<sub>ニ</sub>。反諸呂道<sub>ニ</sub>、如是則可<sub>ニ</sub>。

師古曰。言諸呂尊權而滅亡。今納宗室。是反其道。乃可免患也。

**衛尉** 漢長樂建章甘泉各有衛尉以掌其宮衛然不常置樂音洛

者所以爲糧食也。種之勇翻。秋八月。詔曰。往年災害多。今年蠶麥傷。所振貸種食。勿收責。毋令民出今年田租。初武帝正錢。又

深入窮追。二十餘年。匈奴馬畜孕重墮殞。罷極苦之。師古曰。孕重落也。殞敗也。罷極困也。苦之。心厭苦也。罷賣日疲。懷任者也。墮

音讀鄭玄曰內敗曰殯、陸云謂懷任不成也

氏恐單于不立子而立左大都尉也

是歲單子病且死。及

單于死。衛律等與  
顓渠閼氏謀  
室也位大閼氏上匿其喪。矯單于  
更立子左谷蠡王爲壺衍是單于更立子

卷之三十一

怨望率其衆欲南歸漢恐不能自致即脅盧屠王欲與西降烏

孫江翻

盧屠王告之單于使人驗問左谷蠡王不服反以其

罪罪盧屠王國人皆寃之於是二王去居其所不復肯會龍城

匈奴諸王長少歲正月會單于庭五月大會龍城祭其先天

地鬼神今二王自居其本處不復會祭龍城也復扶又翻

匈奴始衰

三年春二月有星孛西北李浦翻冬十一月壬辰朔日有食之初

霍光與上官桀相親善光每休沐出

漢制中朝官五日一下里舍休沐三署諸郎亦然

桀常

霍光與上官桀相親善光每休沐出

漢制中朝官五日一下里舍休沐三署諸郎亦然

桀常

內之宮中光以爲尙幼不聽蓋長公主私近子客河間丁外人

地理志蓋縣屬泰山郡師古曰食邑於鄆爲蓋侯所尙故曰蓋長公主長公主儀比諸王帝姊妹乃稱之蓋侯王充武帝舅王信之子襲爵蓋如字又古蓋翻子客子賓客也

丁姓外人其名長知安素與外人善說外人曰

說式芮翻安子容貌端正

椒房殿

誠因長主時得入爲后以臣父子在朝而有椒房之重

師古曰泥塗壁取其溫而芳朝直遙翻

成之在於足下漢家故事常以列侯

尚主足下何憂不封侯乎外人喜言于長主長主以爲然詔召安女爲健仔

接子安爲騎都尉爲安父子與霍光爭權謀亂張本

四年春三月甲寅立皇后上官氏赦天下西南夷姑繒葉榆

復反姑繒葉榆皆西南夷別種其所居地在益州郡

將益州兵擊之此益州刺史所部兵也宋白曰漢武帝元鼎中分雍州之南置

理益廣故曰益州班志漢中廣漢蜀郡越巂

益州釋名曰益阨也所在之地險阨也應劭地理風俗記曰疆

守武帝元封二年開滇王國置益州郡治滇池縣守式又翻乘勝與辟胡戰士戰及溺死者四千

餘人冬遣大鴻臚田廣明擊之

如翻

廷尉李种坐故縱死罪

种音冲棄市是歲上官安爲車騎將軍

今從百官表外戚傳考異曰昭紀作驃騎

五年春正月追尊帝外祖趙父爲順成侯

順成侯趙父鉤弋夫人之父也父時已死追封爲順成侯

以充實焉諸昆弟各以親疏受賞賜孔穎達曰五服之內大功已上服

疏同疏與置園邑二百戶於扶風順成侯有姊君姁

音况羽翻

賜錢二百萬奴婢第宅

而上書奏事謁見者皆謂北闕公車司馬在焉

自謂衛太子公車以聞

班表公車屬衛尉天下上事皆總領之師古曰公車

通鑑卷二十三

酒經十五

四

師古曰、雜共也、有素識之者、令視知其是非也

師古曰、雜共也、有素識之者、令視知其是非也

中吏民聚觀者數萬人。右將軍勒兵驅下以備非常。丞相御史。中二千石至者並莫敢發言。京兆尹不疑後到。叱從吏收縛。才從翻用。或曰。是非未可知。且安之。安猶徐也。不疑曰。諸君何患於衛太子。

以備非常。丞相御史。

靈公而出奔晉。及靈公卒，使輒嗣位。晉趙鞅納蒯聵於戚，欲求入衛、齊國夏、衛石曼姑帥師圍戚。公羊傳曰：曼姑受命於靈公而立輒，曼姑之義固可以距蒯聵也。輒之義可立乎？曰：可。奈何不以父命辭？王父命也。蒯聵苦怪翻、曠五怪翻衛太子得罪先帝亡，不即死也。今來自詣此罪人也。遂送詔獄。天子與大將軍霍光聞而嘉之曰：公卿大臣當用有經術明於大誼者。繇是不疑名聲重於朝廷。在位者皆自以不及也。廷尉驗治何人？凡不知姓名及所從來，皆曰何人？竟得姦詐。本夏陽人姓成名方。遂居湖以卜筮爲事。有故太子舍人嘗從方遂卜。謂曰：子狀貌甚似衛太子。方遂心利其言，冀得以富貴。坐誣罔不道，要斬。要與腰同。考異曰：昭紀云張延年雋不疑傳。

外傳書源

字上戚傳書  
有出對外

中對賓客言。與我壇飲。大樂樂音洛見其服飾。使人歸欲自燒物。  
子病死。仰而罵天。其頑悖如此。悖蒲內翻。罷眞番郡。年置眞番郡。  
元封三年。置眞番郡。今皆罷之。詹都甘翻秋。大鴻臚廣明。軍正王平。擊益州。斬首捕虜三  
萬餘人。獲畜產五萬餘頭。諫大夫杜延年。見國家承武帝奢  
侈。師旅之後。數爲大將軍光言。年歲比不登。數所角于爲于。流民  
未盡還。宜修孝文時政。示以儉約寬和。順天心。說民意。說讀曰  
年歲宜應。光納其言。延年。故御史大夫周之子也。

六年春二月詔有司問下郡國所舉賢良文學民所疾苦教化之要皆對願罷鹽鐵酒榷均輸官  
鹽鐵事始見十九卷武帝元狩四年均輸事始見二十卷元鼎三年酒榷事始見上  
卷天漢三年母與天下爭利示以儉節然後教化可興桑弘羊難  
於古岳翻以爲此國家大業所以制四夷安邊足用之本不可廢也  
師古曰議罷鹽鐵之官百姓皆得鬻鹽鑄錢因總論政  
治得失也據班史藝文志有鹽鐵論十篇今行於世  
旦翻難乃

治得古

卷之三

卷之五

初蘇武既徙北海上

事見二十一年  
卷天漢元年

稟食不至

稟給也

掘野鼠去草

實而食之

蘇林曰

掘野鼠所去草實而食之張晏曰取鼠及草實并而食之師古

得即食之其草實乃

曰蘇說是去謂藏之也貢父曰今北方野鼠甚多皆可食也武掘野鼠

頗去藏耳去丘呂翻杖漢節牧羊臥起操持節旄盡落

操千高翻

武在

漢與李陵俱爲侍中

陵降匈奴不敢求武久之

降匈奴事見二十一  
卷天漢二年降戶江

翻下單于使陵至海上爲武置酒設樂

爲于僞翻下同

因謂武曰單于

聞陵與子卿素厚

子卿蘇武字

故使來說足下虛心欲相待終不得

歸漢空自苦亡人之地

說式芮翻古無字通

信義安所見乎

見賢

足下

兄弟二人前皆坐事自殺來時太夫人已不幸

謂死也不幸謂

子卿婦

年少

少詩照翻

聞已更嫁矣獨有女第二人兩女一男今復十餘年

更工衡翻復扶又翻下同存亡不可知人生如朝露

師古曰朝露見日則晞乾人命短促亦如之

何久

自苦如此陵始降時忽忽如狂自痛負漢加以老母繫保宮

班少府屬官有居室武帝太初元年更名保宮

子卿不欲降何以過陵且陛下春秋高法令

無常大臣無罪夷滅者數十家安危不可知子卿尙復誰爲乎

武曰武父子無功德皆爲陛下所成就位列將爵通侯兄弟親

近

皆爲如字將即

亮翻近其斬常願肝腦塗地今得殺身自效雖斧鉞湯鑊誠

甘樂之

師古曰鼎大而無足曰鑊樂音洛

臣事君猶子事父也子無父死爲所恨

願勿復再言陵與武飲數日復曰子卿壹聽陵言

武曰自分已死久矣

問翻

王必欲降武

匈奴封李陵爲右校王故稱之

請畢今日之驩効死

於前陵見其至誠喟然歎曰嗟乎義士

陵與衛律之罪上通於天因泣下霑衿與武決去

決別也

賜武牛羊數十頭後陵復至

北海上語武以武帝崩武南鄉號哭歐血旦夕臨數月

語牛倨翻鄉讀

常恐漢兵襲之於是衛律爲單于謀與漢和親漢使至求蘇武

等匈奴詭言武死後漢使復至匈奴常惠私見漢使教使者謂

單于

謂告語也

言天子射上林中得鴈足有係帛書言武等在某澤

中使者大喜如惠語以讓單于單于視左右而驚謝漢使曰武

通鑑卷二十三

漢紀十五

一

等實在。乃歸武及馬宏等。馬宏者。前副光祿大夫王忠。使西國。

西國謂西域諸國使疏吏翻

爲匈奴所遮。忠戰死。馬宏生得。亦不肯降。故匈奴

歸此二人。欲以通善意。於是李陵置酒。賀武曰。今足下還歸。

音還

旋又如字揚名於匈奴。功顯於漢室。雖古竹帛所載。丹青所畫。何以

過子卿

陵雖鴛怯

令漢貰陵罪

鴛音奴貰寬也

貴時夜翻

全其老母。使得奮大

辱之積志。庶幾乎曹柯之盟

李奇曰。言欲劫單于。如曹柯盟之時。幾居衣翻

齊桓公柯盟之時。幾居衣翻

此陵宿

昔之所不忘也。收族陵家。爲世大戮

事見上卷天漢三年

陵尙復何顧乎。

已矣。令子卿知吾心耳。陵泣下數行

剛翻行戶

因與武決。單于召

會武官屬。前已降及物故。凡隨武還者九人。旣至京師。詔武奉

一太牢。謁武帝園廟

程大昌演繁露曰。牛羊豕具爲太牢。有羊豕而無牛。則爲少牢。今人獨以太牢名牛。失之矣。

拜爲

典屬國。秩中二千石

班表典屬國本秦官掌歸義蠻夷。漢因之。今以命武。以武久在匈奴中。習外夷事。故使爲是官。其後省併大鴻臚。

賜錢二百萬。公田二頃。宅一區。武留匈奴。凡十九歲。始以彊壯

出。及還。須髮盡白

須與鬚同

霍光上官桀。與李陵素善。遣陵故人隨

西任立政等三人。俱至匈奴招之。陵曰。歸易耳

易以鼓翻丈夫不能

再辱。遂死於匈奴

陵意謂降匈奴已辱矣。今若歸漢。漢將使刀筆吏責其喪師降匈奴之罪。是謂再辱也。故遂不歸。

夏

旱秋七月。罷榷酤官。從賢良文學之議也

酷古讓翻

武帝之末。海內虛耗。戶口減半。霍光知時務之要。輕徭薄賦。與民休息。至是

匈奴和親。百姓充實。稍復文景之業焉

詔以鉤町侯母波

鉤町侯母波漢書作亡波。亡古無字也。

率其邑君長

人民擊反者有功

長知兩翻

立以爲鉤町王。賜田廣明爵關內侯

元鳳元年。應劭曰。三年中。鳳凰比下

東海海西樂鄉。故以冠元

春。武都氐人反

武都郡屬涼州氐人即白馬氏也。魚豢魏

略曰。其人分竄山谷或號青氐。或號白氐。氐丁奚翻

浩曰。今有龍鉤村蘇林曰。是時太常主諸陵縣治民也。余謂此刑徒輸作三輔及太常者也。

夏六月。赦天下。秋七月。

乙亥晦日。有食之既。八月改元。上官桀父子。旣尊盛德。長

是作己也  
土爲明

公主欲爲丁外人求封侯。霍光不許。又爲外人求光祿大夫。欲令得召見。又不許。蓋主大以是怨光。而桀安數爲外人求官爵。弗能得。亦慙。長知兩翻爲于 又桀妻父所幸充國爲太醫監。充國史夫 其姓太醫監屬少府。闥入殿中。闥妄也。漢制諸入宮殿門皆著籍無籍而妄入謂之闥入。 下獄當死。冬月且盡。漢論死囚不過冬月下還嫁。桀爲左將軍安爲車騎將軍 蓋主爲充國入馬二十四贖罪。乃得減死論。於是桀安父子深怨光。而重德蓋主。自先帝時桀已爲九卿。位在光右。武帝時桀爲太僕。秩比九卿。秩中二千石。光爲奉車都尉。在桀之位。在光右也。右上也。 及父子並爲將軍。同欲爲子弟得官。亦怨恨光。於是蓋主桀安弘羊皆與旦通謀。旦遣孫縱之等。前後十餘輩。多齎金寶走馬賂遺蓋主桀弘羊等。師古曰。走馬馬善。走者也。遺于季翻。 桀等又詐令人爲燕王上書。言光出都肄孟康曰都試也。肄習也。張晏曰都試郎羽林也。師古曰都大也。大會試之漢光祿勳令諸當試者不會都所免之。都肄謂總閱試習武備也。肄羊至使疏吏翻降戶江翻。 道上稱選。天子出稱選以清道。止行人。選與蹕同。 太官先置。師古曰俱飲食之具。太官屬少府。主膳食。凡車駕所幸。太官先往其處。又引蘇武使匈奴二十年不降。乃爲典屬國。實十九年。而供置久其事。以見冤屈。故言多也。 大將軍長史敞無功。爲搜粟都尉。又擅調益莫府校尉。師古曰。調選也。莫府大將軍府也。調音徒鈞翻。 候司光出沐日奏之。桀欲從中下其事。伺光出沐不在禁中。桀欲自從禁中下其事也。司讀曰。伺師古曰。下謂下有司也。下音胡稼翻。下同。 弘羊當與諸大臣共執退光。當者以之。自任也。 書奏。帝不肯下。明日。光聞之。止畫室中不入。如淳曰。近臣所止。計畫之室。或曰。雕畫之室。師古曰。雕畫是也。 上問大將軍安在。左將軍桀對曰。曰。將軍冠。師古曰。令復著冠也。 朕知是書詐也。將軍無罪。光曰。陛下何以知之。上曰。將軍之廣明都郎。近耳。師古曰。之往也。廣明亭名。余據廣明亭郭北。宣帝移于苑北。以爲悼園。在東都門外。水經注。京兆奉明縣廣成鄉有廣明苑。史皇孫及王夫人葬於。 調校尉以來。未能十日。燕

通鑑卷二十三

漢紀十五

七

郎羽林。孟康曰都試也。肄習也。張晏曰都試郎羽林也。師古曰都大也。大會試之漢光祿勳令諸當試者不會都所免之。都肄謂總閱試習武備也。肄羊至使疏吏翻降戶江翻。 道上稱選。天子出稱選以清道。止行人。選與蹕同。 太官先置。師古曰俱飲食之具。太官屬少府。主膳食。凡車駕所幸。太官先往其處。又引蘇武使匈奴二十年不降。乃爲典屬國。實十九年。而供置久其事。以見冤屈。故言多也。 大將軍長史敞無功。爲搜粟都尉。又擅調益莫府校尉。師古曰。調選也。莫府大將軍府也。調音徒鈞翻。 候司光出沐日奏之。桀欲從中下其事。伺光出沐不在禁中。桀欲自從禁中下其事也。司讀曰。伺師古曰。下謂下有司也。下音胡稼翻。下同。 弘羊當與諸大臣共執退光。當者以之。自任也。 書奏。帝不肯下。明日。光聞之。止畫室中不入。如淳曰。近臣所止。計畫之室。或曰。雕畫之室。師古曰。雕畫是也。 上問大將軍安在。左將軍桀對曰。曰。將軍冠。師古曰。令復著冠也。 朕知是書詐也。將軍無罪。光曰。陛下何以知之。上曰。將軍之廣明都郎。近耳。師古曰。之往也。廣明亭名。余據廣明亭郭北。宣帝移于苑北。以爲悼園。在東都門外。水經注。京兆奉明縣廣成鄉有廣明苑。史皇孫及王夫人葬於。 調校尉以來。未能十日。燕

王何以得知之。且將軍爲非。不須校尉。文穎曰、帝云、將軍欲反不由一校尉是時。

帝年十四。尙書左右皆驚。班表、少府屬官有尙書等十二官令丞、又有中書書衆事、余據表則尙書中書爲兩官據續志則合爲一官、此時既存尙書、則與中書謁者爲兩官明矣。沈約曰、秦世少府遣吏四人在殿中主發書故謂之尙書、尙書有丞至漢並初有尙冠尙衣尙席尙浴尙食尙書故謂之六尙、秦時尙書有令、有僕射有丞、至漢並隸少府、武帝使左右曹諸吏分平尙書事、昭帝始使宦者典尙書事、謂之中書謁者、令僕射成帝改中書謁者令爲中謁者令、罪謁者東京省中謁者令而有中宮謁者令非其職也。沈約亦以尙書中書爲兩官明矣。而上書者果亡捕之甚急。桀等懼白上。小事不足遂師古曰、遂猶竟也、言不須窮竟也上不聽。後桀黨與有譖光者。上輒怒曰。大將軍忠臣。先帝所屬以輔朕身。敢有毀者坐之。自是桀等不敢復言。屬之欲翻、復決又翻

李德裕論曰。人君之德莫大於至明。明以照姦。則百邪不能蔽矣。漢昭帝是也。周成王有慤德矣。高祖文景俱不如也。成王聞管蔡流言。遂使周公狼跋而東。漢高聞陳平去魏背楚。欲捨腹心臣。背蒲、漢文惑季布使酒難近。罷歸股肱郡。疑賈

生擅權紛亂。復疎賢士。景帝信誅晁錯兵解。遂戮三公。崩、周

•公相成王。管叔蔡叔流言於國曰。公將不利於孺子。周公於是東征。成王不知周註云。跋蹠也。疐跼也。老狼有胡進則蹠其胡退則跼其尾進退有難然而不失其猛。疏曰。李巡曰。跋前行曰。蹠跼却蹠曰。疐也。說文云。跋蹠丁千翻。跼竹二翻。蹠卽疐也。然則跋與疐皆是顛倒之類。以跋爲蹠者謂跋其胡而倒耳。老狼有胡謂疐。垂胡進則蹠其胡謂蹠胡而前倒也。退則跼其尾謂却蹠而倒於尾上也。高祖疑陳平事。見九卷二年。文帝罷季布事。見十四卷前四年。踰賈生事。同上。景帝誅晁錯事。見十六卷前三年。

所謂執狐疑之心。

來讒賊之口。劉向使昭帝得伊呂之佐。則成康不足侔矣。

桀等謀令長公主置酒請光。伏兵格殺之。因廢帝。迎立燕王爲天子。旦置驛書往來相報。許立桀爲王。外連郡國豪桀。以千數。旦以語相平。平爲燕相、史失易以政翻、其姓語牛倨翻平曰。大王前與劉澤結謀。事未成而發覺者。以劉澤素夸好侵陵也。好呼到翻平聞左將軍素輕易車騎將軍。少而驕。少詩昭翻臣恐其如劉澤時不能成。又恐既成反大王也。旦曰。前日一男子詣闕。自謂故太子。長安中民趣鄉之。

趣七喻翻鄉讀曰嚮正謹不可止。師古曰、人衆既多故謹諱謹况爰翻大將軍恐出兵陳之。以

本表字有年  
杜有功  
傅廷  
楊字

自備耳。我帝長子帝謂武帝  
長知兩翻天下所信。何憂見反。後謂羣臣。蓋主報言。獨患大將軍與右將軍王莽。張晏曰。王莽天水人也。字稚叔。今右將軍物故。丞相病。幸事必成。徵不久。令羣臣皆裝。行裝也。安又謀誘燕王至而誅之。西誘音因廢帝而立桀。或曰。當如皇后何。安曰。逐麋之狗。當顧菟邪。師古曰。言所求者大不顧小也。麋鹿之大者。菟讀曰兔。吐故翻且用皇后爲尊。一旦人主意有所移。雖欲爲家人亦不可得。家人謂凡庶四夫也。此百世之一時也。會蓋主舍人父稻田使者燕倉。知其謀。如淳曰。特爲諸稻田置也。燕音煙。姓譜召公封于燕。以告大司農楊敞。敞素謹畏事。不敢言。乃移病臥。師古曰。移病謂移書言病。一曰以病而移居。余謂前說是。以告諫大夫杜延年。延年以聞。九月。詔丞相部中二千石逐捕孫縱之及桀安弘羊外人等。并宗族悉誅之。蓋主自殺。燕王旦聞之。召相平曰。事敗。遂發兵乎。亮翻相息平曰。左將軍已死。百姓皆知之。不可發也。王憂憇。師古曰。憇音懼。又音閼頃也。置酒與羣臣妃妾別。會天子以璽書讓旦。璽斯氏翻旦以

右上字疑  
既以字疑

本表字此無  
從功臣

綏。自絞死。后夫人隨旦自殺者二十餘人。天子加恩。赦王太子建爲庶人。賜旦謚曰刺王。刺來達翻。謚法。暴戾無親曰刺。皇后以年少不與謀。讀與預曰。亦霍光外孫。故得不廢。庚午。右扶風王訢爲御史大夫。與訢同欣。冬十月。封杜延年爲建平侯。班表。建平侯食邑於濟陽。燕倉爲宜城侯。宜城侯食邑於濟陰。故丞相徵事任官捕得桀。爲弋陽侯。文穎曰。徵事丞相官屬於濟陰。位卑尊。掾屬也。如淳曰。時宮以時事待詔丞相府。故曰丞相徵事。張晏曰。漢儀注。徵事比六百石。皆故吏二千石。不以職罪免者。爲徵事。絳衣奉朝賀。正月。師古曰。張說是班志。弋陽侯國屬汝南郡。淮之徐少詩照翻。久之。文學濟陰魏相對策。濟陰郡屬兗州唐爲曹州濟陰縣禮翻。以爲日者燕王爲無道。韓義出身彊諫。爲王所殺。義無比干之親。而蹈比干之節。比干紂之賢臣。諫紂而死。宜顯賞其子。以示天下。明爲人臣之義。乃擢義子延壽爲諫大夫。大將軍光以朝無舊臣。朝音直。光祿勳張安世。自先帝時爲尚書令。班表。少府屬官。有尚書令。續漢志。尚書令承秦所置。掌凡選署及奏下尚書曹。秩千石。文書衆事。志行純篤。孟翻。行下。乃白用安世。爲右將軍兼光祿勳。以自

副焉。安世故御史大夫湯之子也。光又以杜延年有忠節

以其  
發燕

蓋上官擢爲太僕右曹給事中儀注諸吏給事中日上朝謁平尙書奏事

之謀也分爲左右曹班表給事中掌顧問應對位中常侍下蓋得出禁中

太僕正卿右曹給事中加官也晉灼曰漢

光持刑罰嚴延年常輔之以寬吏民

上書言便宜輒下延年平處復奏

下遐嫁翻先平處其可否復奏言之處昌呂翻

可官試者

至爲縣令或丞相御史除用滿歲以狀聞或抵其罪法

師古曰抵至也言事

之人有姦妄者則致之於罪法是歲匈奴發左右部二萬騎爲四隊並入邊爲

寇漢兵追之斬首獲虜九千人生得歐脫王漢無所失亡匈奴

見歐脫王在漢恐以爲道擊之

道讀

即西北遠去不敢南逐水

草發人民屯歐脫

二年夏四月上自建章宮徙未央宮六月赦天下是歲匈奴

奴復遣九千騎屯受降城以備漢

復扶

北橋余吾水令可度以

備奔走

師古曰於余吾水上作橋擬有急奔走避漢從此橋度也

欲求和親而恐漢不聽故不

肯先言常使左右風漢使者

風讀

然其侵盜益希遇漢使愈

厚欲以漸致和親漢亦羈縻之

三年春正月泰山有大石自起立上林有柳樹枯僵自起生

居僵

眞翻仆也有蟲食其葉成文曰公孫病已立

此爲宣帝興符

符節令魯國

眭弘上書

班表符節令屬少府秩六百石續漢志曰爲符節臺率主符節事漢改

言大石自立僵柳復起

復扶又

翻下同當有匹庶爲天子者枯樹復生

故廢之家公孫氏當復興乎漢家承堯之後

班贊曰春秋晉史蔡墨

有劉累學擾龍事孔甲范氏其後也而大夫范宣子亦曰祖自虞以上爲陶唐氏在夏

爲御龍氏在商爲豕革氏在周爲唐杜氏晉主夏溫爲范氏范氏爲晉士師魯文公世

奔秦後歸于晉其處者爲劉氏劉向云戰國時劉氏自秦獲於魏秦滅魏遷大梁都于

豐故周市說雍齒曰豐故梁徙也是以頌高祖云漢帝本系出自唐帝降及於周在秦

作劉涉魏而東遂爲豐公豐公蓋太上皇父及高祖即位置祠祀官則有秦晉梁荆之

巫世祠天地綴之以祀豈不信哉由是推之漢承堯運協于火德得天統矣

有傳國之運當求賢人禪帝位退自封百里以順天命弘坐設

妖言惑衆伏誅匈奴單于使犁汗王窺邊

據王莽時使譯出塞

王所居地蓋近塞下也言酒泉張掖兵益弱出兵試擊冀可復得其地時漢

先得降者聞其計天子詔邊警備後無幾

幾翻

右賢王犁汗王

四千騎分三隊。入日勒。屋蘭。番和。班志二縣皆屬張掖郡。賢曰。日勒故城在今甘州丹剛縣東南。師古曰。番音盤。張掖太守屬國都尉。續漢志。張掖屬國都尉治居延縣。守式又翻。發兵擊。大破之。得脫者數百人。屬國義渠王射殺犁汗王。義渠王屬國。義渠胡之君長。射而亦翻。賜黃金二百斤。馬二百匹。因封爲犁汗王。自是後。匈奴不敢入張掖。燕蓋賢翻。蓋古盍翻。

之亂。燕王蓋主也。燕子侯史光過古禾翻。桑弘羊子遷亡。遇父故吏侯史吳。侯史姓也。吳其同臧讀曰。藏治直之翻下。後遷捕得伏法。會赦。侯史吳自出繫獄。廷尉王平。少府徐仁。雜治反事。皆以爲桑遷坐父謀反。而侯史吳臧之治。非匿反者。乃匿爲隨者也。言桑遷但隨坐耳。非自反也。即以赦令除不諫爭。爭與諍同。與反者身無異。侯史吳故三百石吏首匿遷。古師謀首而藏匿人也。不與庶人匿隨從者等。吳不得赦。奏請覆治。深文傅致吳之罪。從才用翻。勅廷尉。少府縱反者。勅戶槩翻。師古曰。縱放也。少府徐仁。即丞相車千秋女婿也。車千秋。即田千秋。漢以其年老得乘小車入殿中。因呼爲車丞相。故千秋數爲侯史吳。

言。數所角翻。恐大將軍光不聽。千秋即召中二千石博士。會公車門。宮北闕門。即未央宮北闕門也。議問吳法。師古曰。于法律之中。吳當得何罪。議者知大將軍指。皆執吳爲不道。明日。千秋封上衆議。上時掌翻。光於是以下千秋擅召中二千石以下。外內異言。張晏曰。外則去疾。欲盡內則爲其壻也。師古曰。非也。外內謂外朝及內朝也。遂下廷尉平。少府仁獄。下遐嫁翻。朝廷皆恐丞相坐之。太僕杜延年奏記光曰。吏縱罪人。有常法。今更詆吳爲不道。師古曰。詆誣也。恐於法深。又丞相素無所守持。而爲好言於下。盡其素行也。師古曰。言非故有所執持。但其善狀也。延年愚以爲丞相久故。及至擅召中二千石。甚無狀。師古曰。無。延年愚以爲丞相久故。及先帝用事。言位已久。是爲故舊。又嘗及祖先帝而任事也。非有大故。不可棄也。間者民頗言獄深。吏爲峻詆。今丞相所議。又獄事也。如是以及丞相。恐不此名於天下也。師古曰。重猶難也。以此爲重事也。光以廷尉少府弄法輕重。卒下之獄。卒子恤翻。夏四月。仁自殺。平與左馮翊賈勝胡。皆要斬。秦因之景通鑑卷一百一十五

帝二年分置左內史武帝而不以及丞相終與相竟師古曰謂終丞相之身無貶黜也余謂言之更名左馮翊要與豐同

與千秋共事終其身延年論議持平合和朝廷皆此類也冬遼東烏桓反。

初冒頓破東胡東胡餘衆散保烏桓及鮮卑山爲二族遼東郡屬幽州唐嘗置安東都護於其地東胡破見十一卷高祖六年後漢書烏桓之地在丁零西南烏孫東北武帝遣霍去病擊破匈奴左地因徙烏桓於上谷漁陽右北平遼東遼西五郡塞外爲漢偵察匈奴動靜其大人歲一朝見於是始置護烏桓校尉秩比二千石鮮卑先遠竄于遼東塞外與烏桓相接未嘗通中國至後漢稍徙遼西塞外始爲中國患

世役屬匈奴武帝擊破匈奴左地因徙烏桓於上谷漁陽右北平遼東塞外上谷漁陽北平皆屬幽州上谷唐媯州漁陽唐檀蘓州北平唐平州之地爲漢偵察匈奴動靜

爲子僞翻、貞丑鄭翻又尹貞翻候也置護烏桓校尉監領之監古銜翻使不得與匈奴交

通至是部衆漸彊遂反先是匈奴三千餘騎入五原五原郡屬并浪翻行政塞外亭障略取吏殺略數千人後數萬騎南旁塞獵旁步行攻塞外亭障略取吏民去是時漢邊郡烽火候望精明匈奴爲邊寇者少利希復犯

塞少詩沼翻復扶又翻下同漢復得匈奴降者言烏桓嘗發先單于冢匈奴怨之方發二萬騎擊烏桓霍光欲發兵邀擊之師古曰邀以

間護軍都尉趙充國護軍都尉秦官武帝以屬大司馬此時蓋屬大將軍也充國以爲烏桓間數犯塞師古曰間即中間也猶言比日也數所角翻今匈奴擊之於漢便又匈奴希寇

盜北邊幸無事蠻夷自相攻擊而發兵要之要與邀同招寇生事非計也光更問中郎將范明友明友言可擊於是拜明友爲度遼

將軍度遼將軍蓋使之度遼水以伐烏桓至後漢遂以爲將軍之號以護匈奴將二萬騎出遼東匈奴聞漢兵至引去初光誠明友兵不空出即後匈奴遂擊烏桓師古曰後

兵遲後邀匈奴不及後戶邏翻烏桓時新中匈奴兵師古曰爲匈奴所中傷中竹仲翻明友旣後匈奴因乘烏桓敵擊之斬首六千餘級獲三王首匈奴由是恐不能復出兵

四年春正月丁亥帝加元服如淳曰元服謂初冠加上服也師古曰如以爲衣服之服非也元首也冠者首之所著

故曰元服汲黯序傳云上正元服是知謂冠爲元服余按續漢志有加元服之禮

甲戌富民定侯田千秋薨安民法

大慮大慮定時政事壹決大將軍光千秋居丞相位謹厚自守而已

夏五月丁丑孝文廟正殿火人火上及羣臣皆素服發中二千

丁申朔五月甲子  
大農相詁大夫  
爲御楊大史  
甘史敵司丞

石將五校作治

將作大匠屬官有左右前後中

六日成太常及廟令

丞郎吏皆効大不敬

繫翻

會赦太常轘陽侯德免爲庶人

表班

轘陽侯食邑清河文穎曰轘陽

五校令掌五校士校戶教翻

六月赦天下初杆采遣太子賴丹爲

在魏郡清淵轘音料又音聊

下

質於龜茲

龜茲國治延城去長安七千四百八十里杆音烏采與彌同質音致下

貳師擊大宛還

事見二十一卷武帝

龜茲貴

太初元年宛于元翻

將賴丹入至京師霍光用桑

弘羊議田輪臺

十二卷征和元年

龜茲貴

人姑翼謂其王曰賴丹本臣屬吾國今佩漢印綬來迫吾國而

將賴丹入至京師霍光用桑

弘羊議田輪臺

十二卷征和元年

龜茲貴

田必爲害王即殺賴丹而上書謝漢

龜茲王死匈奴先聞之

將賴丹入至京師霍光用桑

龜茲貴

龜茲貴

遣其質子安歸歸得立爲王

考異曰西域傳作常歸

漢遣使詔新

漢遣使詔新

漢遣使詔新

王令入朝王辭不至樓蘭國最在東垂

西域之東垂也

近漢當白龍堆

近漢當白龍堆

近漢當白龍堆

孟康曰龍堆形如土龍身無頭脊尾高大者三四丈

孟康曰龍堆形如土龍身無頭脊尾高大者三四丈

乏水草常主發導負水

乏水草常主發導負水

乏水草常主發導負水

擗糧送迎漢使

擗糧送迎漢使

擗糧送迎漢使

擗糧送迎漢使

擗糧送迎漢使

甘翻

又數爲吏卒所寇懲艾不便與漢通

古

古

古

曰艾讀曰父數

後復爲匈奴反間

間古

數遮殺漢使其弟尉屠耆

古

所角翻下同

數遮殺漢使其弟尉屠耆

古

古

古

降漢具言狀駿馬監北地

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

傅說出傅巖因以爲氏

傅說出傅巖因以爲氏

傅說出傅巖因以爲氏

傅說出傅巖因以爲氏

傅說出傅巖因以爲氏

詔因令責樓蘭龜茲

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

介子謂大將軍霍光曰樓蘭龜茲數反覆而不

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

率其吏士共誅斬匈奴使者還奏事詔拜介子爲中郎遷平樂

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

監平樂監監

平樂監監

平樂監監

平樂監監

平樂監監

樂觀樂音洛

樂觀樂音洛

樂觀樂音洛

樂觀樂音洛

樂觀樂音洛

介子謂大將軍霍光曰樓蘭龜茲數反覆而不

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

威示諸國易以政翻刺

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

七亦翻下同

七亦翻下同

七亦翻下同

七亦翻下同

七亦翻下同

白遺之介子與士卒俱齎金幣揚言以賜外國爲名

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

樓蘭王意不親介子介子陽引去至其西界

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

此譯則樓蘭國之譯人

此譯則樓蘭國之譯人

此譯則樓蘭國之譯人

此譯則樓蘭國之譯人

此譯則樓蘭國之譯人

介子與坐飲陳物示之飲酒皆醉介子謂王曰天子使我私報

班表太僕屬官有駿馬監

北地郡屬涼州刺史姓譜

北地郡屬涼州刺史姓譜

北地郡屬涼州刺史姓譜

王密有所諭

王密有所諭</

御  
使  
立

表  
范  
本  
功  
臣  
從  
事  
四  
月  
日  
傳  
張  
懋  
翻  
縣

通鑑卷二十三

漢紀十五

十四

從後刺之亦翻刃交匈立死

匈與  
曾同

其貴臣左右皆散走。介子告

更

諭以王負漢罪。天子遣我誅王。當更立王弟尉屠耆在漢者。

更

衡漢兵方至。毋敢動。自令滅國矣。介子遂斬王安歸首。馳傳詣

闕。縣首北闕下傳張懋翻縣乃立尉屠耆爲王。更名其國爲鄆

古懸字通

善爲刻印章。賜以宮女爲夫人。備車騎輜重

更工衡翻

輜上扇翻爲

丞相率百官送至橫門外。祖而遣之三輔黃圖、橫門長安城北出西頭第一門孟康曰橫音光祖祖道也

王自請天子曰。身在漢久。今歸單弱。而前王有子在。恐爲所殺。

國中有伊循城。其地肥美。願漢遣一將屯田積穀。令臣得依其

威重。於是漢遣司馬一人。吏士四十人。田伊循。以墳撫之墳讀曰鎮

賞破烏桓之功也班表平

傳介子

秋七月乙巳。封范明友爲平陵侯陵侯食邑于南陽之武當

傳介子

爲義陽侯班表義陽侯食邑于南陽之平氏

毛詩註曰鞠告也將戰之日陳其師旅誓告之也

明致其罰。今

乃遣使者誘以金幣。而殺之。後有奉使諸國者。復可信乎扶又翻

扶

且以大漢之彊。而爲盜賊之謀於蠻夷。不亦可羞哉。論者或美介子。以爲奇功。過矣

五年夏。大旱。秋罷象郡。分屬鬱林。牂柯班志鬱林故秦桂林郡冬十一

月。大雷。十二月庚戌。宜春敬侯王訢薨恩澤侯表宜春侯食邑於汝南訢音欣

六年春正月。募郡國徒築遼東玄菟城菟音夏赦天下。烏桓復犯塞復扶又翻遣度遼將軍范明友擊之。冬十一月乙丑。以

楊敞爲丞相。少府河內蔡義爲御史大夫河內郡時屬司隸唐懷孟衛州地

資治通鑑卷第二十三

資治通鑑卷第二十四

翰林學士朝散大夫右諫議大夫知制誥兼侍講同提舉萬壽觀公事兼判集賢院上護軍河內郡開國侯食邑一千三百戶賜紫金魚袋臣司馬光奉勅編集

漢紀十六

起強圉協洽盡昭陽赤奮若凡七年

後學 天台胡三省 音註

孝昭皇帝下

元平元年春二月詔減口賦錢什三

如淳曰漢儀注民年七歲至十四出口賦錢人二十三二十錢以食

天子其三錢者武帝加口錢以補車騎馬夏四月癸未帝崩于未央宮

臣瓊曰壽二十二無嗣時

武帝子獨有廣陵王胥大將軍光與羣臣議所立咸持廣陵王

王本以行失道先帝所不用光內不自安郎有上書言周太王

廢太伯立王季文王舍伯邑考立武王

師古曰太伯者王季之兄伯邑考文王長子也舍讀曰捨長知兩翻少時照翻

廣陵王不可以承宗廟言合光意光以其書示丞相敞等擢郎爲九江太守

九江郡屬楊州唐濠壽廬

言侵部倒部箱書竝事皇服臣漢王御  
字蒲匱人墮皇霧引二王虔鑿書部  
衍下作車埃王作漢部人 作注引

通鑑卷二十一

皇后詔。遣

樂成

守式又翻 淩和州地 即日承皇后詔遣行大鴻臚事少府樂成宗正德光  
祿大夫吉中郎將利漢 樂成史樂成德劉德吉 丙吉利漢不知其姓 迎昌邑王賀乘七  
乘傳文帝之入立也乘六乘傳 今乘七乘傳傳張戀翻 詣長安邸 諸王國皆置邸長安此  
白皇后徙右將軍安世爲車騎將軍賀昌邑哀之子也 光又  
武帝在國素狂縱動作無節武帝之喪賀游獵不止嘗游方與  
子也 方與縣本屬山陽郡武帝以山陽爲昌  
邑王國方與縣屬焉方音房與音豫 不半日馳二百里中尉琅邪王  
吉上疏諫曰大王不好書術而樂逸游 好呼到翻樂  
馮讀曰憑臣瓊曰撙促也 师古曰撙挫也 音子本翻 五孝翻音洛 馮式撙銜  
馳騁不止口倦辱叱咤 师古曰咤亦吒字也音竹駕翻手苦  
師古曰撙挫也 筋馬策 师古曰身勞辱車輿朝則冒霧露 师古曰冒莫  
於筆轡 师古曰筆馬策 师古曰冒莫  
塵埃被皮 夏則爲大暑之所暴炙 暴步  
薄 風則偃靡也薄言迫也 师古曰偃柔也音而寃  
犯勤勞之煩毒非所以全壽命之宗也又非所以進仁義之隆  
犯勤勞之煩毒非所以全壽命之宗也又非所以進仁義之隆  
也 师古曰宗尊 也隆高也  
夫廣廈之下細旃之上 师古曰廣廈大屋也旃與虧同明師居前

勸誦在後。上論唐虞之際。下及殷周之盛。考仁聖之風。習治國之道。治直之翻 訴訴焉。發憤忘食。欣與同 日新厥德。其樂豈銜橛之間哉。樂音洛下同 休則俛仰屈伸。以利形。師古曰形體也 進退步趨以實下。如淳曰今人不行則膝以下虛弱不實 吸新吐故。以練臧。師古曰藏五藏也、練練其氣也、臧古藏字通音徂浪 翻專意積精。以適神。師古曰適和也 於以養生。豈不長哉。大王誠留意如此。則心有堯舜之志。體有喬松之壽。師古曰仙人伯喬及赤松子也 美聲廣譽。登而上聞。則福祿其臻。師古曰臻至也 而社稷安矣。皇帝仁聖。至今思慕未忘。師古曰皇帝謂昭帝也、言武帝晏駕未久、故尚思慕 於宮館園池。弋獵之樂。未有所幸。大王宜夙夜念此。以承聖意。諸侯骨肉。莫親大王。大王於屬則子也。於位則臣也。一身而二任之。責加焉。恩愛行義。孅介有不具者。行下孟翻下同、孅與纖同、息廉翻 於以上聞。非饗國之福也。王乃下令曰。寡人造行。不能無惰。中尉甚忠。數輔吾過。數所角翻 使謁者千秋賜中尉。牛肉五百斤。酒五石。脯五束。孔穎達曰、脯訓始、始作卽成也、修訓治、治之乃成、鄭注腊人云、薄析曰脯、棰而施薑

御賞事字過之危無賜人上作二無人

桂曰。其後復放縱自若。郎中令山陽龔遂忠厚剛毅。有大節。姓

也。左傳晉有大夫龔堅。爭讀曰。諍相息亮翻。亡古無字通師古。

至於涕泣。蹇亡已。爭讀曰。諍相息亮翻。亡古無字通師古。

面刺王過。王至掩耳起走。遂入見王。涕泣鄰行。左右侍御

曰。郎中令善媿人。賞賜無度。王嘗久與驕奴宰人游戲飲食

驕導車而媿訶者也。宰人掌膳食者也。驕側鳩翻。

皆出涕。王曰。郎中令何爲哭。遂曰。臣痛社稷危也。願賜清間竭

愚。王辟左右。師古曰。間讀曰。閑辟音闢。遂曰。大王知膠西王所以爲無道亡乎。

于王端也。膠西王謂古曰。擬比也。得以爲堯舜也。王說其詔諛。常與寢處

昌呂翻。唯得所言。以至於是。師古曰。唯用得之邪。言故至亡。今大王親近羣小

斬翻。漸漬邪惡。漸子廉翻。所習存亡之機。不可不慎也。臣請選

郎通經有行義者。與王起居。坐則誦詩書。立則習禮容。宜有益。

王許之。遂乃選郎中張安等十人侍王。居數日。王皆逐去。安等

去羌呂翻。王嘗見大白犬。頸以下似人。冠方山冠而無尾。以五采

穀爲之前高七寸。後高三寸。長八寸。樂舞人服之。冠方之冠古玩翻。考異曰。昌邑王

傳云。無頭。五行志云。無尾。且云。不得置後之象。若頸以下似人而無頭。何以辨其爲犬。

且安所施冠。蓋傳誤也。冠以問龔遂。遂曰。此天戒。言在側者盡冠狗也。言王左右

而冠。去之則存。不去則亡矣。後又聞人聲曰。熊。視而見大熊。左

右莫見。以問遂。遂曰。熊山野之獸。而來入宮室。王獨見之。此天

戒。大王恐宮室將空。危亡象也。王仰天而歎曰。不祥何爲數來。

遂叩頭曰。臣不敢隱忠。數言危亡之戒。大王不說。夫國之存亡。

豈在臣言哉。願王內自揆度。數所角翻。下同。說曰。悅度徒洛翻。大王誦詩三百五

篇。人事浹洽。即協翻。王道備。王之所行。中詩一篇何等也。仲竹

穀以存難。以亡易。易以鼓翻。宜深察之。後又血汙王坐席。王問遂。遂

師古曰。言王所行皆不合法度。王自謂當於何詩之文也。汙鳥故翻。號戶高翻。大王位爲諸侯王。行汙於庶人。行下孟翻。師古曰。汙

慎自省。省悉景翻。王終不改節。及徵書至。夜漏未盡一刻。以火發

書。其日中王發。晡時至定陶。

定陶縣爲濟陰郡治所

行百三十五里。侍從

者馬死。相望於道。

從才用翻

王吉奏書戒王曰。

臣聞高宗諒闇三年

年不言。

閭讀與陰同

今大王以喪事徵。宜日夜哭泣悲哀而已。慎母

有所發。

師古曰發謂興舉衆事

大將軍仁愛勇智忠信之德天下莫不聞。事

孝武皇帝二十餘年。未嘗有過。先帝棄羣臣屬

以天下屬之欲翻寄幼孤焉。大將軍抱持幼君襁綵之中。

織負兒衣論語曰織負其子博物志曰織縷爲之廣八寸長二尺以

約小兒於背上李奇曰絡也以繒布爲之絡負小兒孟康曰小兒繩師古曰孟說是綵小兒衣李奇曰綵小兒大籍又齊人名小兒被爲綵纏舉兩翻綵博抱翻

布

政施教海內晏然雖周公伊尹無以加也。今帝崩無嗣大將軍

惟思可以奉宗廟者攀援而立大王。

師古曰援引也音爰其仁厚豈有量

哉。臣願大王事之敬之政事壹聽之大王垂拱南面而已。願留意

常以爲念。王至濟陽。

班志濟陽縣屬陳留郡杜佑曰濟陽縣故城在曹州宛句縣西南濟子禮翻

求長鳴

雞。

師古曰雞之鳴聲長者也范成大曰長鳴雞自南詔諸蠻來形矮而大鳴聲圓長一鳴半刻終日啼號不絕蠻甚貴之一雞直銀一兩邕州谿洞亦有之

道

買積竹杖。

文穎曰合竹作杖也過弘農使大奴善以衣車載女子。

凡言大

奴者謂奴之尤長大者也善其名也至湖使者以讓相安樂。

師古曰使者長安使人也讓責也安樂史逸其姓相息亮翻樂

洛安樂告龔遂遂入問王王曰無有遂曰即無有何愛一善以

毀行義請收屬吏以湔洒大王。

師古曰以善付吏也湔澣也酒澣也行下孟翻屬之欲翻下同湔子顛翻酒先禮翻

即捽善屬衛士長行法。

師古曰衛士長主衛之官捽持頭也音才兀翻長知兩翻

王到霸上大鴻

臚郊迎。

如翻驕奉乘輿車王使壽成御也乘繩證翻下同

郎

中令遂參乘且至廣明東都門。遂曰禮葬喪望見國都哭此長

安東郭門也。

廣明注見上卷元鳳元年三輔黃圖宣平門長安城東出北頭第一門其外郭名東都門

王曰我噦痛不能哭。

師古曰噦喉也音益

至城門遂復言。

復扶又翻

王曰城門與郭門等耳。且

至未央宮東闕。遂曰昌邑帳在是闕外馳道北。

文穎曰弔哭帳也

未至

帳所有南北行道馬足未至數步大王宜下車鄉闕西面伏哭。

盡哀止。

上鄉讀曰嚮受綬音受靈斯氏翻

尊皇后曰皇太后壬申葬孝昭皇帝于平陵。

平陵

屬右扶風在長安西北七十里自崩至葬十日昌邑王既立淫戲無度昌邑官屬皆徵至長

通鑑卷二十四

漢紀廿六

四

崩慶紀漢書本至葬自葬

凡四十九日  
是歲己未  
歲月  
也

安。往往超擢拜官。相安樂遷長樂衛尉。龔遂見安樂流涕。謂曰。王立爲天子。日益驕溢。諫之不復聽。今哀痛未盡。師古曰。謂新居喪服日。與近臣飲酒作樂。鬪虎豹。召皮軒車九旒。漢大駕法。駕前驅有雲罕。則載虎皮。師古曰。皮軒之上。以赤皮爲重。蓋今此制尚存。非用虎皮飾車。驅馳東西所爲諂道。孔穎達曰。走馬謂之馳。策馬謂之驅。師古曰。乖也。古制寬大。臣有隱退。今去不得陽狂。恐知身死爲世戮。奈何。君陛下故相。宜極諫爭。王夢青蠅之矢。積西階東。可五六石。以屋版瓦覆之。師古曰。版瓦大以昌邑王習詩。故云然。蘇林曰。猶言陛下所讀之詩也。營營青蠅。止于藩。愷悌君子。毋信讒言。陛下左側。讒人衆多。如是青蠅惡矣。師古曰。惡即矢也。吳越春秋云。越王勾踐爲吳王嘗惡即其義也。宜進先帝大臣子孫。親近以爲左右。上斷翻。近其如若也。皆放逐之。臣當先逐矣。王不聽。太僕丞河東張敞。上書諫。班表。太僕有兩丞。續漢志。丞一人。秩千石。河東郡當屬司隸。曰。孝昭皇帝蚤崩。

無嗣師古曰。蚤。又早字。大臣憂懼。選賢聖。承宗廟。東迎之日。唯恐屬車之行遲。師古曰。不欲斥乘輿故。但言屬車耳。屬之欲翻。今天子以盛年初即位。天下莫不拭目傾耳。觀化聽風。師古曰。言改易視聽。欲急聞見善政化也。拭音式。國輔大臣未褒。而昌邑小輩先遷。李奇曰。輒小臣也。此過之大者也。王不聽。大將軍光憂憊。

憊母本翻。又音滿。又音悶。煩憊也。獨以問所親。故吏大司農田延年。延年曰。將軍爲國柱石。師古曰。柱者梁下之柱。石承柱之礎。言大臣負國重任。如屋之柱。及其石也。審此人不可。何不建白太后。建議而白之也。更選賢而立之。光曰。今欲如是。於古嘗有此不

師古曰。光不涉學。故有此問也。不讀曰否。延年曰。伊尹相殷。廢太甲。以安宗廟。後世稱其忠。既立不明。伊尹放諸桐也。商書太甲篇。太甲古曰。將軍若能行此。亦漢之伊尹也。光乃引延年給事中。給事中。給事禁中。西漢以爲加官。音於。縛以屬吏。縛之次翻。吏白霍光。光不舉法。光讓安世。以爲泄語。

酒經  
卷一  
序

三

**陰** 漢儒作洪範傳以五事應五行。皇之不極是謂不廟厥靈。當陰則有事失在眊悖。故其名眊也。王者承天理物、雲起於山、而彌於天。天氣亂、故其罰常陰也。君亂旦弱、人之所叛、故有下人伐上之痼也。

驚。以此益重經術士。侍中傅嘉數進諫。數月角翻王亦縛嘉繫獄。光

安世既定議乃使田延年報丞相楊敞敞驚懼不知所言江出

治背徒唯唯而已。之辭也、唯於癸翻延年。起至三更。在廷賓必有更衣之處也。也。故夫人。遽從東廡謂敵曰。此國大事。今大將軍議已。

更工衡翻  
尚云人道之謂也此日之事人謂之日

事誅矣。與讀曰豫先悉薦翻。延年從更衣還。敝夫人與延年參語許諾請。

自古言事者。多失實。故曰參語。

如。何。羣。臣。皆。驚。鄂。失。色。師古曰、凡鄂者、皆謂阻礙不依順也、後字作愕、其義亦同。莫。敢。發。言。但。唯。

唯而已。田延年前離席。按劍。離力智翻曰。先帝屬將軍以幼孤。寄

將軍以天下。以將軍忠賢。能安劉氏也。今羣下鼎湧。社稷將傾。

禪將軍路列何面目見先帝於地下乎今日之議不得旋踵

師古曰受其憂責也。難乃日翻。於是議者皆叩頭曰。萬姓之命。在於將軍。惟大將軍令。師古曰。言毛羽良、韋巨源見賢曰。之

**殿** 未央宮有承明殿天子於是延儒生學士武帝責莊助曰君厭承明之廬西鄙賦曰承明金馬著作之庭是也 詔諸禁門毋內昌

呂羣臣王入朝太  
后還乘輦欲歸溫室  
晉灼曰長樂宮有溫室殿三輔黃圖溫室殿在未央殿北武帝

乃驚人如是。光使盡驅出昌邑羣臣置金馬門外。車騎將軍安世將羽林騎將卽亮翻收縛二百餘人皆送廷尉詔獄。令故昭帝侍中中臣侍守王光勅左右謹宿衛。卒有物故自裁師古曰：猝物故死也、自裁謂自殺也。令我負天下有殺主名。王尙未自知當廢。謂左右我故羣臣從官安得罪而大將軍盡繫之乎從才用翻：師古曰：安禹所得罪也。頃之有太后詔召王。王聞召意恐乃曰我安得罪而召我哉。太后被珠襦被皮義翻：如淳曰：以珠飾襦也。晉灼曰：貢珠以為襦形若今革襦矣。師古曰：晉說是也。襦汝朱翻盛服坐武帳中。侍御數百人皆持兵期門武士陞戟陳列殿期門屬掌執兵送從武帝爲微行與勇力之士期諸殿門故曰期門下光祿勳。與羣臣連名奏王。尙書令讀奏曰丞相臣敞等臣敞下即連名史以等字約言之昧死言皇太后陛下孝昭皇帝早棄天下遣使徵昌邑王典喪服斬衰師古曰：典喪言爲喪主也。斬衰下不綱直斬割之而已。韻步千翻無悲哀之心廢禮誼居道上不素食師古曰：素食菜食無肉也。言王在道常肉食非居喪之制也。而鄭康成解素食云：平常之食失之遠矣。使從官略女孟康曰：漢初有三璽天子之璽自帝柩前也。韋昭曰：大行不反之辭也。就次發璽不封受之退還所次遂爾發漏更不封之。令凡人皆見言不重慎。從官更持節引內昌邑從官駒宰官奴二百餘人常與居禁闈內敖戲更工衡翻：敖讀曰傲爲書曰皇帝問侍中君卿孟康曰：漢初有三璽天子之璽自帝柩前也。韋昭曰：大行不反之辭也。就次發璽不封受之退還所次遂爾發漏更不封之。令凡人皆見言不重慎。佩信璽行璽在符節臺大行前昭令高昌奉黃金千斤賜君卿張晏曰：昌邑之君卿也大行在前殿發樂府樂器引內昌邑樂人擊鼓歌吹作俳倡倡樂人也。倡音昌召內泰壹宗廟樂人悉奏衆樂鄭氏曰：祭泰一樂人也。余據武帝祠泰一采詩夜誦有趙代秦楚之謳宗廟樂有文德昭德文始五行之舞嘉至永至登歌休成之樂房中祠樂安世樂昭容樂禮容樂其員八百二十九人駕法駕驅馳北宮桂宮師古曰：北宮桂宮並在未央宮北三輔黃圖桂宮武帝造周回十餘里有紫房複道通未央宮三案記未央宮漸臺西有桂宮弄彘鬪虎召皇太后御小馬車張晏曰：皇太后所駕遊宮中輦車也。漢廄於果下乘之故曰果下馬。使官奴騎乘遊戲掖庭中與孝昭皇帝宮人蒙等淫亂詔掖庭令敢泄言要斬掖庭令屬少府武帝太初元年更名本永巷令也要與要同太后曰止

師古曰。令且止讀奏也。

爲人臣子當悖亂如是邪。王離席伏離蒲內翻。

力智翻。

尙書

令復讀曰。

又翻取諸侯王列侯二千石綬及墨綬黃綬以并佩。

昌邑郎官者免奴。

續漢志諸侯王赤綬四采青黃纏紺列侯紫綬二采紫白二千石青綬三采青白紅千石六百石墨綬三采青赤紺四百石三百石二百石黃綬師古。

發御府金錢刀劍玉器采繪賞賜所與

遊戲者與從官官奴夜飲湛汚于酒。

師古曰湛讀曰沈又讀曰耽湛汚者乃荒迷之義也汚與涵同。

獨夜設九賓溫室。

師古曰於溫室中設九賓之禮也。

延見姊夫昌邑關內侯祖宗

廟祠未舉爲璽書使使者持節以三太牢祠昌邑哀王園廟稱

嗣子皇帝

師古曰時在喪服故未祠宗廟而私祭昌邑哀王也余謂賀入繼大宗不當於昌邑哀王稱嗣子皇帝既於禮待三年不祭之義又悖爲人後

者爲之受璽以來二十七日使者旁午

縱一橫爲旁午猶言交橫也。

持節詔諸官署徵發凡一千一百二十七事荒淫迷惑失帝王

禮誼亂漢制度臣敞等數進諫不變更

數所角翻更工衡翻

日以益甚恐

危社稷天下不安臣敞等謹與博士議皆曰今陛下嗣孝昭皇帝

後行淫辟不軌

辟讀五辟之屬莫大不孝孝經孔子曰五刑之屬

君陛下不可以承天序奉祖宗廟子萬姓當廢臣請有司以一

太牢具告祠高廟皇太后詔曰可光令王起拜受詔王曰聞天

子有爭臣七人雖亡道不失天下

引孝經孔子之言爭讀曰諍亡古無字通

光曰皇太

后詔廢安得稱天子乃即持其手解脫其璽組

師古曰即就也組則古翻說文曰組綬屬

續漢志乘輿黃赤綬四采黃赤紺長丈有九尺九寸五百首

奉上太后掌翻扶王下殿出金馬門羣

臣隨送王西面拜曰愚懶不任漢事

懶涉降翻任音王起就乘輿副車

不敢負社稷願王自愛臣長不復左右

得侍見於左右屏必郢翻不及以政古又卑正翻

日言不豫政令請徙王賀漢中房陵縣

漢中郡屬益州房陵縣唐爲房州太后詔歸賀昌邑賜湯沐邑二千戶故王家財物皆與賀及哀王女四人各賜

湯沐邑千戶。國除爲山陽郡。昌邑國本山陽郡也。今國除復爲郡。昌邑羣臣坐<sub>下</sub>在國時不舉奏王罪過。令漢朝不聞知。朝直又不能輔道。道讀曰遙翻

陷王大惡皆下獄。誅殺二百餘人。嫁翻唯中尉吉郎中令遂

以忠直數諫正

數所角翻

得減死髡爲城旦。師王式繫獄當死。治

事使者責問曰。師何以無諫書。

王式時爲昌邑王師以授王詩治事使者卽治獄使者也。治直之翻

式對

曰。臣以詩三百五篇。朝夕授王。至於忠臣孝子之篇。未嘗不爲

王反復誦之也。

爲於偽翻下同。師古曰復音方目翻

至於危亡失道之君。未嘗不流

涕爲王深陳之也。臣以三百五篇諫。是以無諫書。使者以聞。亦

得減死論。霍光以羣臣奏事東宮太后省政。

景翻

宜知經術。白

令夏侯勝用尙書授太后遷勝長信少府。

長信宮名少府掌其宮事

班表長信詹事掌皇太后

宮景帝中六年更名長信少府平帝元始四年更名長樂少府張晏曰以太后所居名也居長信宮則曰長信少府居長樂宮則曰長樂少府也三輔黃圖長信殿在長樂宮

太后常居之余據表長信少府後改爲長樂少府則長信長樂非兩宮也張說誤

賜爵關內侯。

師古曰進皇

初衛太子納魯

國史良娣姓譜史周史佚之後師古曰太子有妃有良娣有孺子凡三等

生子進

師古曰進皇

號史

和二年卷武帝征太子三男一女及諸妻妾皆遇害獨皇曾孫在亦坐

收繫郡邸獄

師古曰漢舊儀郡邸獄治天下郡國上計者屬大鴻臚此蓋巫蠱獄收羣衆故皇曾孫寄在郡邸獄

故廷尉

監魯國丙吉

班表廷尉有左右監秩千石丙姓也左傳齊有丙歎功臣表有高苑侯丙倩

受詔治巫蠱獄

直治

之吉心知太子無事實重哀皇曾孫無辜

師古曰重音直用翻

擇謹厚女

徒渭城胡組淮陽郭徵卿令乳養曾孫置間燥處

李奇曰輕罪女子守邊一歲女

子輕弱不任守復令作於官亦一歲故班史謂之女徒復作復作者復爲官作滿其本罪月日班志渭城縣屬扶風師古曰間寬淨之處也燥高敞也間讀曰閑燥蘇老翻

吉日再省視

景翻

巫蠱事連歲不決武帝疾來往長楊五柞

詔獄繫者

謂疏錄之

無輕重一切皆殺之內謁者令郭穰夜到

郡邸獄

班表謁者令屬少府續漢志王宮中布張

諸藝物漢官云秩千石蓋當時權爲此使

吉閉門拒使者不納

通鑑卷二十一

卷之二

通鑑卷二十一  
漢紀一  
曰。皇曾孫在。他人無辜死者。猶不可。況親曾孫乎。相守至天明。  
不得入。穰還以聞。因劾奏吉幼戶  
繫翻。武帝亦寤曰。天使之也。因赦天下。郡邸獄繫者。獨賴吉得生。旣而吉謂守丞誰如。皇孫不當在官。孟康曰。郡守丞也。來詣京師。邸治獄。姓誰名如。文穎曰。不當在官。不當在。郡邸獄也。師古曰。守丞。守獄官之丞耳。非郡丞也。誰如者。其人名。本作譙。當在官。邵邸獄也。吏誰如。移書京兆尹。遣與胡組俱。字言姓。又非也。仲馮曰。守丞蓋郡邸。吏誰如。移書京兆尹。遣與胡組俱。

**氏**猶專者猶東

京師邸治獄、姓誰名如、文穎曰、不當在官、不當在  
守獄官之丞耳、非郡丞也、誰如者、其人名、本作誰

守邸之丞也。與朱買臣傳、守邸同。  
送京兆尹不受。復還。及組日滿當去。皇孫思慕。吉以私錢雇組。  
令留與郭徵卿並養。數月。乃遣組去。後少內齋夫白吉曰。食皇  
系。熙詔令。師古曰。少內掖庭主府藏之官也。食讀時吉得食米肉。月月

以給皇曾孫。曾孫病，幾不全者數焉。吉數敕保養乳母，加致醫藥。數所角翻。視遇甚有恩惠。吉聞史良娣有母貞君及兄恭乃

載皇曾孫以付之。貞君年老見孫孤甚哀之。自養視焉。後有詔掖庭養視。上屬籍宗正。應劭曰。掖庭宮人之官。有令丞宦者爲之。時詔敕掖庭養視之。始令宗正著其籍。

宗後爲廩令、  
師古曰、顧念也。哀曾孫奉養甚謹以私錢供給教書既壯賀欲以

女孫妻之妻千細翻下同是時昭帝始冠冠古長八尺二寸長直翻賀弟安世爲右將軍輔政聞下賀稱譽皇曾孫欲中妻以女譽音余怒曰

暴室屬掖庭令  
事復扶又翻予讀曰與於是賀止時暴室齋夫許廣漢有女師古曰取暴室宮人獄也今曰薄室許廣漢坐法腐爲宦者作齋夫也師古又曰暴室職務既多因爲置獄主治罪人故往往云暴室獄耳然非獄名

蓋夫者、暴室屬官、亦猶縣鄉嗇夫、姓譜、許姓、出高陽、賀乃置酒請廣漢酒酣、本自姜姓、炎帝之後、太巒之後、其後因封國爲氏

也。廣漢許諾。明日。嫗聞之怒。嫗。廣漢妻也。音威遇翻。廣漢重令人爲

翻中讀曰仲高材好學到翻然亦喜游俠許吏翻師古曰喜鬪雞走狗以是治直吏翻數上下諸陵師古曰諸陵皆據高敞地爲之縣卽在其側帝

通鑑卷二十一

漢紀十六

班志蓮勺縣屬左馮

御覽卷

每周遊往來去則上則下故言周徧三輔嘗困於蓮勺鹵中

班志蓮勺縣屬左馮

上下諸陵數所角翻上時掌翻

杜孟康曰下杜在長安南師古曰卽今之杜城括地時會朝請舍長安尙

志下杜城在雍州長安縣東南九里古杜伯國

冠里尙冠者長安中里名帝會朝請之時卽於此里中止息三輔黃圖曰京兆尹

治尙冠里朝直遙翻班志杜縣屬京兆鄆縣

縣蓮音輦勺音酌

尤樂杜鄆之間屬扶風樂音洛鄆音戶率常在下

昌曰蓮勺唐下邦縣蓮音輦勺音酌

杜孟康曰下杜在長安南師古曰卽今之杜城括地時會朝請舍長安尙

志下杜城在雍州長安縣東南九里古杜伯國

冠里尙冠者長安中里名帝會朝請之時卽於此里中止息三輔黃圖曰京兆尹

治尙冠里朝直遙翻班志杜縣屬京兆鄆縣

縣蓮音輦勺音酌

及昌邑王廢霍光與張安世諸大臣議所立

舍如字請才性翻亡古無海內憂懼欲亟聞嗣主發

未定丙吉奏記光曰將軍事孝武皇帝受襁褓之屬任天下之

寄欲翻孝昭皇帝早崩亡嗣字通海內憂懼欲亟聞嗣主發

喪之日以大誼立後所立非其人復以大誼廢之

宗廟有奉旣而恐危社稷故天下莫不服焉方今社稷宗廟羣生之命

廢黜之皆以大誼而行也

在將軍之壹舉竊伏聽於衆庶察其所言諸侯宗室在列位者

未有所聞於民間也而遺詔所養武帝曾孫名病已在掖庭外

家者蘇林曰外家猶言在外人民家不在宮中晉灼曰出眉

吉前使居郡

使入侍師古曰令天下昭然知之然後決定大策天下幸甚杜

延年亦知曾孫德美勸光安世立焉秋七月光坐庭中會丞相

以下議所立遂復與丞相敵等上奏曰復扶又翻

孝武皇帝曾孫萬姓上時掌翻

孝昭皇帝後奉承祖宗廟子萬姓爲子故云子萬姓臣昧死以

聞昧死昌皇太后詔曰可光遣宗正德至曾孫家尙冠里洗沐

賜御衣太僕以輶獵車迎曾孫文頴曰輶獵小車前有曲輿不衣近世謂

之輶獵車孟康曰今之載獵車也前有曲

輶特高大獵時立其中格射禽獸李奇曰蘭輿輕車也師古曰文

是時未備天子車駕故且取其輕便耳非取其高大也孟說失之輶音零

就齋

宗正府庚申入未央宮見皇太后封爲陽武侯

班志陽武縣屬河南郡師古曰先封侯者

不欲立庶人爲天子也見賢逼翻

已而羣臣奏上璽綬即皇帝位癸巳廢昌邑王庚申

十七日天下不搖霍光處誠難能也上時掌翻癸巳廢昌邑王庚申

立宣帝漢朝無君二

通鑑卷二十一

漢紀十六

班志蓮勺縣屬左馮

御覽卷

每周遊往來去則上則下故言周徧三輔嘗困於蓮勺鹵中

班志蓮勺縣屬左馮

上時掌翻

杜孟康曰下杜在長安南師古曰卽今之杜城括地時會朝請舍長安尙

志下杜城在雍州長安縣東南九里古杜伯國

冠里尙冠者長安中里名帝會朝請之時卽於此里中止息三輔黃圖曰京兆尹

治尙冠里朝直遙翻班志杜縣屬京兆鄆縣

縣蓮音輦勺音酌

及昌邑王廢霍光與張安世諸大臣議所立

舍如字請才性翻亡古無海內憂懼欲亟聞嗣主發

未定丙吉奏記光曰將軍事孝武皇帝受襁褓之屬任天下之

寄欲翻孝昭皇帝早崩亡嗣字通海內憂懼欲亟聞嗣主發

喪之日以大誼立後所立非其人復以大誼廢之

宗廟有奉旣而恐危社稷故天下莫不服焉方今社稷宗廟羣生之命

廢黜之皆以大誼而行也

在將軍之壹舉竊伏聽於衆庶察其所言諸侯宗室在列位者

未有所聞於民間也而遺詔所養武帝曾孫名病已在掖庭外

家者蘇林曰外家猶言在外人民家不在宮中晉灼曰出眉

吉前使居郡

孝昭皇帝後奉承祖宗廟子萬姓爲子故云子萬姓臣昧死以

聞昧死昌皇太后詔曰可光遣宗正德至曾孫家尙冠里洗沐

賜御衣太僕以輶獵車迎曾孫文頴曰輶獵小車前有曲輿不衣近世謂

之輶獵車孟康曰今之載獵車也前有曲

輶特高大獵時立其中格射禽獸李奇曰蘭輿輕車也師古曰文

是時未備天子車駕故且取其輕便耳非取其高大也孟說失之輶音零

就齋

宗正府庚申入未央宮見皇太后封爲陽武侯

班志陽武縣屬河南郡師古曰先封侯者

不欲立庶人爲天子也見賢逼翻

已而羣臣奏上璽綬即皇帝位癸巳廢昌邑王庚申

十七日天下不搖霍光處誠難能也上時掌翻癸巳廢昌邑王庚申

立宣帝漢朝無君二

通鑑卷二十一

漢紀十六

班志蓮勺縣屬左馮

御覽卷

每周遊往來去則上則下故言周徧三輔嘗困於蓮勺鹵中

班志蓮勺縣屬左馮

上時掌翻

杜孟康曰下杜在長安南師古曰卽今之杜城括地時會朝請舍長安尙

志下杜城在雍州長安縣東南九里古杜伯國

冠里尙冠者長安中里名帝會朝請之時卽於此里中止息三輔黃圖曰京兆尹

治尙冠里朝直遙翻班志杜縣屬京兆鄆縣

縣蓮音輶勺音酌

及昌邑王廢霍光與張安世諸大臣議所立

舍如字請才性翻亡古無海內憂懼欲亟聞嗣主發

未定丙吉奏記光曰將軍事孝武皇帝受襁褓之屬任天下之

寄欲翻孝昭皇帝早崩亡嗣字通海內憂懼欲亟聞嗣主發

喪之日以大誼立後所立非其人復以大誼廢之

宗廟有奉旣而恐危社稷故天下莫不服焉方今社稷宗廟羣生之命

廢黜之皆以大誼而行也

在將軍之壹舉竊伏聽於衆庶察其所言諸侯宗室在列位者

未有所聞於民間也而遺詔所養武帝曾孫名病已在掖庭外

家者蘇林曰外家猶言在外人民家不在宮中晉灼曰出眉

吉前使居郡

孝昭皇帝後奉承祖宗廟子萬姓爲子故云子萬姓臣昧死以

聞昧死昌皇太后詔曰可光遣宗正德至曾孫家尙冠里洗沐

賜御衣太僕以輶獵車迎曾孫文頴曰輶獵小車前有曲輿不衣近世謂

之輶獵車孟康曰今之載獵車也前有曲

輶特高大獵時立其中格射禽獸李奇曰蘭輿輕車也師古曰文

是時未備天子車駕故且取其輕便耳非取其高大也孟說失之輶音零

就齋

宗正府庚申入未央宮見皇太后封爲陽武侯

班志陽武縣屬河南郡師古曰先封侯者

不欲立庶人爲天子也見賢逼翻

已而羣臣奏上璽綬即皇帝位癸巳廢昌邑王庚申

十七日天下不搖霍光處誠難能也上時掌翻癸巳廢昌邑王庚申

立宣帝漢朝無君二

通鑑卷二十一

漢紀十六

班志蓮勺縣屬左馮

御覽卷

每周遊往來去則上則下故言周徧三輔嘗困於蓮勺鹵中

班志蓮勺縣屬左馮

上時掌翻

杜孟康曰下杜在長安南師古曰卽今之杜城括地時會朝請舍長安尙

志下杜城在雍州長安縣東南九里古杜伯國

冠里尙冠者長安中里名帝會朝請之時卽於此里中止息三輔黃圖曰京兆尹

治尙冠里朝直遙翻班志杜縣屬京兆鄆縣

縣蓮音輶勺音酌

及昌邑王廢霍光與張安世諸大臣議所立

舍如字請才性翻亡古無海內憂懼欲亟聞嗣主發

未定丙吉奏記光曰將軍事孝武皇帝受襁褓之屬任天下之

寄欲翻孝昭皇帝早崩亡嗣字通海內憂懼欲亟聞嗣主發

喪之日以大誼立後所立非其人復以大誼廢之

宗廟有奉旣而恐危社稷故天下莫不服焉方今社稷宗廟羣生之命

廢黜之皆以大誼而行也

在將軍之壹舉竊伏聽於衆庶察其所言諸侯宗室在列位者

未有所聞於民間也而遺詔所養武帝曾孫名病已在掖庭外

家者蘇林曰外家猶言在外人民家不在宮中晉灼曰出眉

吉前使居郡

孝昭皇帝後奉承祖宗廟子萬姓爲子故云子萬姓臣昧死以

聞昧死昌皇太后詔曰可光遣宗正德至曾孫家尙冠里洗沐

賜御衣太僕以輶獵車迎曾孫文頴曰輶獵小車前有曲輿不衣近世謂

之輶獵車孟康曰今之載獵車也前有曲

輶特高大獵時立其中格射禽獸李奇曰蘭輿輕車也師古曰文

是時未備天子車駕故且取其輕便耳非取其高大也孟說失之輶音零

就齋

宗正府庚申入未央宮見皇太后封爲陽武侯

班志陽武縣屬河南郡師古曰先封侯者

不欲立庶人爲天子也見賢逼翻

延年班表侍御史屬御史大夫員十五人受公卿奏事舉劾按此嚴非莊助之嚴自是一姓戰國時有濮陽嚴仲子。大將軍勅奏。大將軍光擅廢立主無人臣禮不道奏雖寢然朝廷肅然敬憚之八月己巳安平散侯楊敞薨班表安平侯食邑於汝南九月大赦天下戊寅蔡義爲丞相初許廣漢女適皇曾孫一歲生子奭數月曾孫立

爲帝。許氏爲婕妤。是時霍將軍有小女。與皇后親。公卿譖更立皇后。皆心疑霍將軍女。亦未有言。上乃詔求微時故劍。大臣知指。白立許婕妤爲皇后。十一月壬子。立皇后許氏。霍光以后父廣漢刑人。不宜君國。歲餘。乃封爲昌成君。太皇太后歸長

中宗孝宣皇帝上之上  
荀悅曰、諱詢字次卿、諱詢之字曰謀應、劭曰  
謚法、聖善周聞曰宣、余據帝本名病已、元康

上之上

荀悅曰、諱詢字次卿、諱詢之字曰謀應、劭曰謐法、聖善周聞、曰宣、余據帝本名病已、元康

本始元年春。詔有司。諭定策安宗廟功。大將軍光。益封萬七千

召帝治元二年，重光以捕馬河羅

人。封侯者五人。賜爵關內侯者八人。  
功封博陸侯、二千三百五十戶。今  
益封萬七千二百戶、元鳳六年、張安世、封富平侯、三千四十四十戶、今益封萬六百戶、楊敞  
始封安平侯、七百戶、今益封其子忠、四千八百四十七戶、蔡義、始封陽平侯、今益封通  
前凡七百戶、范明友、始封平陵侯、今益封通前凡二千九百二十戶、韓增、始紹封龍額  
侯、今益封千戶、建平侯杜延年、始封二千戶、今益封二千三百六十戶、蒲侯蘇昌、始封  
千二十六戶、今益封王譚、始紹封宜春侯、今益封通前凡一千一百八戶、魏聖、始紹封  
當途侯、今益封通前凡二千二百戶、屠耆堂、始紹封杜侯、千三百戶、今益封夏侯勝、始  
賜爵關內侯、今益封千戶、凡十人、封田廣明、爲昌水侯、趙充國、爲營平侯、田延年、爲陽  
城侯、樂成、爲爰氏侯、王遷、爲平丘侯、凡五人、周德、蘇武、李光、劉德、韋賢、宋疇、丙吉、趙廣  
漢八人、皆賜爵關內侯。

關白光。然後奏御。自昭帝時。光子禹。及兄孫雲。皆爲中郎將。雲弟山。奉車都尉侍中。領胡越兵。光兩女婿。爲東西宮衛尉。昆弟諸婿外孫。皆奉朝請。爲諸曹大夫。騎都尉。給事中。黨親連體。根據於朝廷。及昌邑王廢。光權益重。每朝見。上虛己歛容。禮下之已甚。胡越兵、胡騎及越騎也。東西宮衛尉、長樂衛尉、及未央衛尉也。侍中得入禁中。皆加官也。下胡稼翻。已甚、言過當也。

夏四月庚午。地震。五月。凰皇集膠東千乘。赦天下。勿收田租賦。六月。詔曰。故皇太子在湖。未有號謚。戾太子死事。見二十二卷。武帝征和二年。歲

通鑑卷二十四

漢紀十六

十二

董仲舒曰  
有甘功  
意謂無甘  
本紀十一  
子條記述  
誤譯特字不  
謬會誤曲傳

李  
時祠其議謚置園邑。有司奏請禮爲人後者爲之子也。故降其父母不得祭。師古曰謂本生之父母也。尊祖之義也。陛下爲孝昭帝後承祖宗之祀。愚以爲親謚宜曰悼。如淳曰親謂父也。母曰悼后。故皇太子謚曰戾。史良娣曰戾夫人。戾又不思念曰戾。皆改葬焉。秋七月詔立燕刺王太子建爲廣陽王。燕王旦死建爲庶人事見二十三卷昭帝元鳳元年廣陽國屬幽州旦死燕國除爲廣陽郡今因以爲國。立廣陵王胥少子弘爲高密王。封胥子弘爲王加親親之恩也。初上名刺音來曷翻。

官桀與霍光爭權。光旣誅桀。遂遵武帝法度。以刑罰痛繩羣下。由是俗吏皆尙嚴酷以爲能。而河南太守丞淮陽黃霸獨用寬和爲名。上在民間時。知百姓苦吏急也。聞霸持法平。乃召爲廷尉正數決疑獄。庭中稱平。廷尉正秩千石庭中漢書作廷中師古曰此廷中謂廷尉之中也余謂通鑑作庭中言漢庭之中也。

數所角翻。

角翻。

二年春。大司農田延年有罪。自殺。昭帝之喪。大司農僦民車。延年詐增駕直。師古曰僦謂賃之與雇直也。篤子就翻。盜取錢三千萬。爲怨家所告。於怨

翻。

路使有安全之地也。延年抵曰古

抵丁禮翻。

無有是事。光曰。旣無事。當窮竟。師古曰旣無實事當令有司窮治盡其理。御

史大夫田廣明謂太僕杜延年曰。春秋之義。以功覆過。

公羊傳僖十七年夏

滅項孰滅之齊滅之曷爲不言齊滅之爲桓公

諱也桓公嘗有存亡繼絕之功。故君子爲之諱。

當廢昌邑王時。非田子賓

之言。大事不成。

上昭帝元平元年。今縣官出三千萬。自乞之。何哉

師古曰。謂自己與之也。柳宗元曰。哉

疑辭也。何哉。猶曰何如也。乞音氣。

願以愚言白大將軍。延年言之大

將軍。大將軍曰。誠然。實勇士也。當發大議時。震動朝廷。光因舉

手自撫心曰。使我至今病憐。

師古曰。憐心動也。音揆韻略其季翻。

謝田大夫曉大司

農通。往就獄。得公議之。

師古曰。曉者告白意指也。通者從公家通理也。光忿其拒諱。故不佑之。

田大夫使

人語延年。語牛居翻。延年曰。幸縣官寬我耳。何面目入牢獄。使衆人

指笑我。卒徒唾吾背乎。即閉閣獨居齋舍。偏袒持刀。東西步數

日。使者召延年。詣廷尉。聞鼓聲。自刎死。

晉灼曰。使者至司農司農發詔書。故鳴鼓也。師古曰。刎謂斬頸

也。刎武粉翻。

夏五月。詔曰。孝武皇帝躬仁誼厲威武功德茂盛。而廟樂

乃自上事右部

飼作處閣居

一本作即漢書傳同

必誤耳不謬特字不謬

子條記述來

誤譯謂通云

傳會誤曲設

董仲舒曰。董有甘功

意謂無甘

本紀十一

子條記述來

誤譯謂通云

傳會誤曲設

董仲舒曰。董有甘功

意謂無甘

通鑑卷二十一

漢紀十六

十一

未稱師古曰稱尺證翻朕甚悼焉。其與列侯二千石博士議。於是羣臣大議庭中師古曰大議、總會議也。此庭中謂朝廷之中皆曰。宜如詔書。長信少府夏侯勝獨曰。武帝雖有攘四夷廣土境之功。然多殺士衆竭民財力。

奢泰無度。天下虛耗。百姓流離。物故者半。蝗蟲大起。赤地數千里師古曰言無五穀之苗或人民相食。畜積至今未復舊讀曰蓄無德澤於

民。不宜爲立廟樂。公卿共難勝曰爲于僞翻此詔書也。勝曰。詔

難乃旦翻

書毀先帝不道。及丞

雖死不悔。於是丞相御史劾奏勝非議詔書。毀先帝不道。及丞

相長史黃霸。阿縱勝。不舉劾。俱下獄下獄二字切口概翻有司遂請。尊孝

武帝廟爲世宗廟。奏盛德文始五行之舞應劭曰。宣帝復采昭德之

也。諸帝廟皆常奏文始四時五行舞也。武帝巡狩所幸郡國皆立廟。如高祖太宗焉。夏

侯勝。黃霸既久繫。霸欲從勝受尚書。勝辭以罪死。霸曰。朝聞道。

夕死可矣

子之言論語載孔

勝賢其言。遂授之。繫再更冬

師古曰更歷也

講論不怠。初烏孫公主死。漢復以楚王戊之孫解憂爲公主。

妻岑娶。岑娶胡婦子泥靡。尙小。岑娶且死復扶又翻。妻七細翻。漢書作岑厥師古曰。岑音仕林

子矣翻

以國與季父大祿子翁歸靡。曰。泥靡大。以國歸之。翁歸靡旣立。號肥王。復尙楚主。生三男兩女。長男曰元貴靡。次曰萬

年。次曰大樂。昭帝時。公主上書言。匈奴與車師共侵烏孫。唯天

子幸救之。漢養士馬。議擊匈奴。會昭帝崩。上遣光祿大夫常惠。

使烏孫烏孫公主及昆彌。皆遣使。上書言。匈奴復連發大兵。侵

擊烏孫。使使謂烏孫趣持公主來

趣讀曰促

欲隔絕漢。昆彌願發

國精兵五萬騎。盡力擊匈奴。唯天子出兵。以救公主昆彌。先是。

匈奴數侵漢邊

先悉薦翻

漢亦欲討之。秋。大發兵。遣御史大夫田

廣明爲祁連將軍。四萬餘騎。出西河。度遼將軍范明友。三萬餘

騎。出張掖。前將軍韓增。三萬餘騎。出雲中。後將軍趙充國。爲蒲

類將軍。三萬餘騎。出酒泉。雲中太守田順。爲虎牙將軍。三萬餘

騎。出五原。期以出塞各二千餘里。以常惠爲校尉。持節護烏孫兵。共擊匈奴。

三年春正月癸亥。恭哀許皇后崩。

張晏曰。禮婦人從夫謚。閔其見殺。故兼二謚。師古曰。共讀曰恭。余據班史。自高后以下。皆從夫稱之。未嘗有謚也。至帝謚孝武衛皇后曰恩。

時霍光夫人顯。

欲貴其小女成君。道無從。師古曰。從因也。由也。無由得納其女。

會許后當娠病。女醫

淳于衍者。姓譜。淳于出於姜姓。周公之後。霍氏所愛。嘗入宮侍皇后疾。衍夫賞爲

掖庭戶衛。

安池池名。監掌池

之官爲于僞翻。掖庭門戶戶郎主之也。

謂衍可過辭霍夫人行。爲我求安

池監。

安池池名。監掌池

之官爲于僞翻。掖庭門戶戶郎主之也。

謂衍可過辭霍夫人行。爲我求安

字謂衍曰。少夫幸報我以事。

如淳曰。稱衍字。曰少夫。親之也。晉灼曰。報我以事。謂求池監也。少詩照翻。

我亦欲報少夫可乎。

晉灼曰。報少夫謀弑許后事。

衍曰。夫人所言何等不可者。

曰無事而不可。

顯曰。將軍素愛少女成君。欲奇貴之。願以累少夫。

師古曰。累曰。託也。音力瑞翻。

衍曰。何謂邪。顯曰。婦人免乳大故。十死一生。

師古曰。免乳謂產子也。大故大事也。乳音人喻翻。

今皇后當免身。可因投毒藥去也。

師古曰。去謂除去皇后也。音丘呂翻。

成

君即爲皇后矣。如蒙力事成。富貴與少夫共之。

衍曰。藥雜治。常先嘗。安可。師古曰。與衆醫共雜治之。又有先嘗者。何可行毒治直之翻。

顯曰。在少夫爲之耳。將軍

領天下。誰敢言者。

緩急相護。但恐少夫無意耳。衍良久曰。願盡

力。即擣附子。

附子與天雄烏喙同出一種。有大毒。

齊入長定宮。皇后免身後。衍取附

子。并合大醫大丸。以飲皇后。

晉灼曰。大丸今澤蘭丸。之屬。合音閭。飲於禁翻。

有頃曰。我頭

岑岑也。藥中得無有毒。

師古曰。岑岑。瘧悶之意。

對曰。無有。遂加煩憊崩。

又音悶。大驚。

衍出過見顯。相勞問。

到翻。勞力。

亦未敢重謝衍。

師古曰。恐人知覺之。

恐急。卽以狀具語光。

據翻。光。內。其女入宮。大驚。欲自發舉。不忍猶與。

師古曰。猶與不決也。與讀曰豫。

會奏上。光署。衍勿論。

奇李薨後。帝始聞毒許后事。光於是時。安敢言之於帝邪。李說爲是。上時掌翻。

顯因勸

大驚。欲自發舉。不忍猶與。

師古曰。猶與不決也。與讀曰豫。

會奏上。光署。衍勿論。

奇李

曰。光題其奏也。師古曰。言之於帝。故解釋耳。光不自署也。余據霍光傳。光

犇走。歐畜產。遠遁逃。

師古曰。歐與驅同。

是以五將少所得。

少詩沼翻。

夏五

月。軍罷度遼將軍出塞千二百餘里至蒲離候水

自張掖出塞

捕虜七百餘級前將軍出塞千二百餘里至烏員

自雲中出塞師古曰烏員地名

也音

斬首捕虜百餘級蒲類將軍出塞千八百餘里西至候山

自酒泉出塞

斬首捕虜得單于使者蒲陰王以下三百餘級聞虜已

引去皆不至期還天子薄其過寬而不罪禩連將軍出塞千六

百里至雞秩山

自西河出塞

斬首捕虜十九級逢漢使匈奴還者冉

弘等

姓楚大夫叔山冉之後案夫子弟有冉伯牛冉有使疏吏翻還從宣翻又如字

言雞秩山西有虜衆禩連

即戒弘使言無虜欲還兵

御史屬公孫益壽諫以爲不可禩連不聽遂引兵還虎牙將軍出塞八百餘里至丹余吾水上

原出

塞即止兵不進斬首捕虜千九百餘級引兵還上以虎牙將軍不至期詐增鹵獲而禩連知虜在前逗遛不進

孟康曰逗遛律語也謂軍行頓止稽留不進

進也師古曰逗讀與住同又音豆

皆下吏自殺擢公孫益壽爲侍御史

百官表侍御史員十五人

受公卿奏事舉劾案章下遐嫁翻

烏孫昆彌自將五萬騎與校尉常惠從西方入

至右谷蠡王庭

谷蠡音鹿黎

獲單于父行

行胡浪翻

及嫂居次

匈奴女晉灼曰匈奴女

號若言公主也

名王犁汗都尉千長騎將以下四萬級

犁汗都尉犁汗王之都尉也師古曰千長

千人之長長知兩翻

馬牛羊驢橐佗七十餘萬頭

師古曰橐佗言能負橐囊而駕物也佗音徒河翻

惠傳四萬級爲三萬九千人七十餘萬頭爲六十餘萬頭今從烏孫傳

烏孫皆自取所虜獲上以五將皆

無功獨惠奉使克獲封惠爲長羅侯

長羅侯國屬陳留郡賢曰故城在今滑州匡城縣東北然

匈奴民衆傷而去者及畜產遠移死亡不可勝數

勝音升

於是

匈奴遂衰耗怨烏孫上復遣常惠持金幣還賜烏孫貴人有功

者復扶又翻

惠因奏請龜茲國嘗殺校尉賴丹未伏誅請便道擊之

帝不許大將軍霍光風惠以便宜從事

師古曰言至前所專命而行也風讀曰諷

吏士五百人俱至烏孫還

還從宣翻又如字下同

過發西國兵二萬人

自烏孫還

攻龜茲兵未合先遣人責其王以前殺漢使狀王謝曰乃我先

王時爲貴人姑翼所誤耳我無罪惠曰即如此縛姑翼來吾置

宜相  
聯寫

長上  
以字疑

王 師古曰 置猶放

王執姑翼詣惠

惠斬之而還

龜茲殺賴丹事見上

昭帝元鳳四年

大旱

六月己丑

陽平節侯蔡義薨

陽平屬東郡荀紀作乙丑誤

甲辰

長信少府韋賢爲丞相

大司農魏相爲御史大夫

冬匈奴單于自將數萬騎擊烏孫頗得老弱欲還會天大雨雪

雨子

具翻一日深丈餘

鳩式

人民畜產凍死還者不能什一於是丁令乘弱攻其北零令音烏桓入其東烏孫擊其西凡三國所殺數萬級馬數萬匹牛羊甚衆又重以餓死

重直

人民死者什三畜產什五匈奴大虛弱諸國羈屬者皆瓦解攻盜不能理其後漢遣三千餘騎爲三道並入匈奴捕虜得數千人還匈奴終不敢取當

當古師

報其直

滋欲鄉和親

師古曰滋益也鄉讀曰嚮

而邊境少事矣

是歲潁川太守趙廣漢爲京兆尹

潁川俗豪桀相朋黨廣漢爲鋤筭

蘇林

曰鋤

音項如瓶可受投書孟康曰筭竹筭也如今官受密事筭也師古曰鋤若今盛錢

臧瓶爲小孔可入而不可出或鋤或筭皆爲此制而用受書令授於中也筭音同

受

吏民投書使相告訐

師古曰面相斥曰訐音居又翻

居又音居謁翻

於是更相怨咎

更工

衡翻

由是入爲京兆尹廣漢遇吏殷勤甚備事推功善歸之於下行

之發於至誠吏咸願爲用僵仆無所避

師古曰僵僵也仆頓

廣漢聰明皆知其能之所宜盡力與否其或負者輒收捕之無所逃

案之罪立具即時伏辜尤善爲鉤距以得事情

蘇林曰鉤得其情

使不得去也晉灼

莫覺所以閉其術爲距也師古曰晉說是也

閭里銖兩之奸皆知之長安少年數人會窮里空舍

師古曰窮里里

謀共劫人坐語未訖廣漢使吏捕治具服其發姦擿伏如神

師古曰擿謂動發

京兆政清吏民稱之不容口長老傳以爲自漢興治京兆者莫能及

長知

治直

之翻

四年春三月乙卯立霍光女爲皇后赦天下初許后起微賤登至尊日淺從官車服甚節儉及霍后立輿駕侍從益盛

從才賞賜官屬以千萬計與許后時縣絕矣

縣讀

夏四月壬寅郡國

兩翻

長知

治直

四十九。同日地震。或山崩。壞城郭室屋。殺六千餘人。北海琅邪。  
壞祖宗廟。景帝元帝令郡國各立太祖高皇帝廟。太宗文皇帝廟壞音怪。詔丞相御史與列侯中二  
千石博問經學之士。有以應變。塞災異也。母有所諱。令三輔

太常內郡國舉賢良方正各一人。大赦天下。上素服避正殿。五  
日釋夏俟勝黃霸以勝爲諫大夫給事中。霸爲揚州刺史。揚州統盧江九江會贊丹陽豫章等郡。

勝爲人質樸守正簡易無威儀。

易以鼓翻

或時謂上

爲君誤相字於前。師古曰。前天子之前也。君前臣名。不當相呼字也。上亦以是親信之。師古曰。知其質樸也。

嘗見出道上語。

師古曰。入見天子而以其言爲外人道之。見賢遍翻。

上聞而讓勝。勝曰。

陛下所言善。臣故揚之。堯言布於天下。至今見誦。臣以爲可傳。故傳耳。朝廷每有大議。上知勝素直。謂曰。先生建正言無懲。前

事事謂坐議廟樂事。前師古曰。懲創也。勝復爲長信少府。後遷太子太傅。年九十卒。

太后賜錢一百萬爲勝素服五日。以報師傅之恩。

爲于僞翻

儒者

以爲榮。五月鳳皇集北海安丘淳于。安丘淳于二縣皆屬北海郡。安丘春秋時之渠丘淳于春秋之

國廣川王去坐殺其師及姬妾十餘人。或銷鉛錫灌口中。或支解。并毒藥煮之。令糜盡廢徙上庸自殺。廣川王去景帝子廣川惠王越之孫。師古曰。棄碎也。

地節元年。應劭曰。以先者地節、欲令地得其節。春正月有星孛于西方。蒲子

內楚王延壽。景帝立平陸侯禮爲楚王。奉元王後傳子道孫注。曾孫純。延壽純之子也。以廣陵王胥。武帝

子。天下有變必得立。陰附助之。爲其後母弟趙何齊。取廣陵王女爲妻。因使何齊奉書遺廣陵王。曰。願長耳目失幾也。取讀曰娶遺。

于季翻。母後人有天下。使在人後。後戶觀翻。何齊父長年。上書告

之。事下有司考驗辭服。下遐翻。冬十一月。延壽自殺。胥勿治。

十二月癸亥晦日有食之。是歲于定國爲廷尉。姓譜周武王子封於郢。子孫以邑單爲于。定國決疑平法。務在哀鰥寡。罪疑從輕。加審慎之心。

朝廷稱之曰。張釋之爲廷尉。天下無冤民。師古曰。言決罪皆當。

于定國爲廷尉。民自以不冤。

師古曰。言知其冤枉也。

二年春霍光病篤。車駕自臨問。上爲之涕泣。爲于僞翻。光上書謝恩。

願分國邑三千戶以封兄孫奉車都尉山爲列侯。奉兄去病祀霍去病封冠軍侯子嬗嗣封薨無後國除故光乞分國邑以封其孫即日拜光子禹爲右將軍三月庚午光薨上及皇太后親臨光喪中二千石治冢賜梓宮葬具皆如乘輿制度謚曰宣成侯發三河卒穿復土乘繩證翻復如字置園邑三百家長丞奉守下詔復其後世復方疇其爵邑應劭曰

有所與與讀曰豫御史大夫魏相上封事言事而不欲宣泄重封上之故其言密事得用阜囊曰封事漢官曰凡章表皆啓封母空大位以塞爭權師古曰大臣位空則起爭奪之權也塞悉則翻宜以車騎將軍安世

爲大將軍母令領光祿勳事以其子延壽爲光祿勳上亦欲用之夏四月戊申以安世爲大司馬車騎將軍領尚書事考異曰百官表地禹要斬荀紀三年四月戊辰安世爲大司馬按明年四月無戊辰七月無戊戌又不當再言七月以宣紀張安世霍光傳考之安世爲司馬當在今年爲衛將軍當在明年十月禹死在四年七月蓋年表旁行通連書之致此誤也

鳳皇集魯

羣鳥從之大赦天下上思報大將軍德乃封光兄孫山爲樂考異曰百官表地禹要斬荀紀三年四月戊辰安世爲大司馬七月壬辰再言七月以宣紀張安世霍光傳考之安世爲司馬當在今年爲衛將軍當在明年十月禹死在四年七月蓋年表旁行通連書之致此誤也

鳳皇集魯

平侯使以奉車都尉領尚書事魏相因昌成君許廣漢奏封事言春秋譏世卿公羊傳隱三年夏四月辛卯尹氏卒尹氏者何天子之惡宋大夫也其稱尹氏何貶曷爲貶譏世卿世卿非禮也惡宋

三世爲大夫公羊傳曰宋三世無大夫三世內取也師古曰三世謂襄公成公昭公也內取於國之大夫也爲恐當作無惡烏路翻及

魯季孫之專權魯自季友立僖公行父逐東門氏意如逐昭公世專魯國至哀公惡季氏之逼而不能去遂孫於邾皆危亂

國家自後元以來祿去王室政由冢宰今光死子復爲右將軍

兄子秉樞機謂領尚書事也賢曰樞機近要之官也春秋運斗樞曰北斗第一天樞第二璇第三機也昆弟諸壻據

權勢在兵官光夫人顯及諸女皆通籍長信宮師古曰通籍謂禁門之中皆有名籍恣出入也應劭曰籍者爲二尺竹牒設其年紀名字物色懸之宮門案省相應乃得入也或夜詔門出入驕奢放縱恐寢不制師古曰寢漸也不制不可制御也宜有以損奪其權破散陰謀以固萬世之

基全功臣之世又故事諸上書者皆爲二封署其一曰副領尚書者先發副封所言不善屏去不奏相復因許伯白去副封以

防壅蔽屏必郢翻去丘呂翻帝善之詔相給事中皆從其議

漢三公九卿皆外朝今魏相給事中預中朝之議

帝興于閭閻師古曰閭里門也閭里中門也言從里巷而即天位也

知民事之艱

難一 艱字

霍光旣薨。始親政事。厲精爲治。

治直吏翻下同

五日一聽事。

自丞相以下。各奉職奏事。數奏其言。考試功能。應劭曰。數陳也。各自以官考其功德也。

師古曰。言各入其職事也。貢父曰。至于子孫謂賞賜

也。

及子孫不改易也。

侍中尙書。功勞當遷。及有異善。厚加賞賜。至于子孫。

終不改易。

師古曰。言各入其職事也。貢父曰。至于子孫謂賞賜

也。

非謂侍中尙書官至子孫不改易也。

樞機周密。

品式備具。上下相安。莫有苟且之意。及拜刺史守相。輒親見問。

觀其所由。退而考察所行。以質其言。

師古曰。質正也。

有名實不相應。必

知其所以然。常稱曰。庶民所以安其田里。而亡歎息愁恨之心者。政平訟理也。

師古曰。訟理言所訟見理

而無冤滯也。

古無字通

與我共此者。其唯良二千石乎。

師古曰。謂郡守諸侯相

以爲太守。吏民之本。數變易。則下不安。

次用之。

增秩賜金爵也。

是以漢世良吏。於是爲盛。稱中興焉。

匈奴壘行鞮單于死。弟左賢王立爲盧閻權渠單于。以右大將女

爲大閼氏。而黜前單于所幸顓渠閼氏。

顓渠閼氏單于之元妃也。其次

爲大閼氏。降即亮翻。閼氏音哩

支顓渠閼氏父左大且渠怨望。

閼翻

是時漢以匈奴不能爲邊

寇。罷塞外諸城。以休百姓。

師古曰。外城塞外諸城也。如光

祿塞受降城。遮虜障等城是也。

單于聞之

喜。召貴人謀。欲與漢和親。左大且渠心害其事。曰。前漢使來。兵

隨其後。今亦效漢發兵。先使使者入。乃自請與呼盧訾王。各將萬騎。南旁塞獵。相逢俱入。

訾子移翻

行未到。會三騎亡降漢。

匈奴欲爲寇。

江翻

於是天子詔發邊騎。屯要害處。使大將軍

軍監治衆等四人。

師古曰。治衆者。軍監之

名。

余據軍監位次軍正。

將五千騎。分三隊。出塞

各數百里。捕得虜各數十人。而還。時匈奴亡其三騎。不敢入。即引去。是歲匈奴饑。人民畜產死什六七。又發兩屯各萬騎。以備漢。其秋匈奴前所得西擇居左地者。

孟康曰。擇音辱。匈奴種。師古曰。擇音奴獨翻。余謂西擇。自是一種。爲地耳。非匈奴種也。

其君長以下數千人。皆驅畜產。行與歐脫戰。所

殺傷甚衆。遂南降漢。

資治通鑑 卷第二十四

